

三

農

紀

三原縣志

法也生長農家終身獻畝與鳥獸同其休息與草木共其  
春秋業業小人而已時秋九日有三二農老耕父相邀登  
高曠飲踞箕苕石舞掌藤陰又有一二牧童左相問答理  
辨紛紛晰明耕術各執已見一牧童進而言曰今之所話  
若得其人述之不枉苦談一夕矣農老曰述者非吾輩寧  
且不識字敢言乎耕父曰吾病且懶亦無樂趣不能爲之  
我輩中或者師古翁可乎予曰不佞也吾輩生於草莽之  
間未嘗聖賢之書不聞高明之論弗覽山川之蹟無能粗  
識其用將何以深探其本盡力於實苟強而致之不勝其  
好名欲速之心使聞者知之噫吾徒小人不知量也牧童

拂然曰人各有志志各不同各行其志芳亦隨之臭亦隨之聞之王處叔云古人遭時則以功達其道不遇則以言達其才故泰否不窮也有著者便為歿而不朽當其同時人豈少哉而皆無聞由於無所迷也子何妨迷之亦吾徒今日之幸耳予首曰否否非不為也是不能也耕父勃然曰子之曰吾其治之農老相和曰子之苗吾其理之牧童在傍笑云飯牛者我之職也衆囂囂曰留子偷閒以成其著但眼莽見效子已醉不能應辭歸家酒醒以其事告諸婦婦曰噫危哉子難為逃矣進取者誚退讓者非將作欺世盜名之輩也耳益我名者損我神生我名者殺我身一旦然何處子自曉白銷之誠予聞而甚慚且悔明日農

昨議者畢集執雞攜酒賢紙抱筆相來旋盧固是以無所  
辟爲甚憾其素之無養也於是汲汲乎乃采俗談方說著  
語書言摭收補綴近似依倣牽挽強彙自信闕見寡聞學  
不足以當著較而比之形似影響之間豈以區區爲是敢  
倂然自謂使君子見而閔之終不能無憾於此走是筆墨  
以貽玷於農也予歷經寒暑茫茫完稿竟日不能成叙正  
處疑難忽聞籬外謳聲農老耕父已來於庭矣卒然問曰  
著稿成否予應之曰已矣即乞飲牧童入而見喜皆壽相  
慶各話勞逸以盡其歡飲畢求覽稿延入著座牧童曰昔  
出自勉強今既聊就亦僥倖耳只此一試之可也再無術  
弄誠可藏乖矣是以火其筆斷其硯以笠吾戴以杖吾策

三  
卷一  
欣欣然衆將予推而出之引入田間復振從前之舊業故  
就其事而爲之叙云

省

大清乾隆一十五年歲次庚辰冬至日題於鑒籙山房

三農紀目錄卷一 古課

天 日 月 星 北斗 天漢

風 雲 霞 氣 虹 雷

電 雨 露 霧 雹 霜

雪 正月 二月 三月 四月 五月

六月 七月 八月 九月 十月 冬月

腊月 山川 鳥獸 草木 人

三農紀目錄卷二 物產水利救濟

孟春 仲春 季春 孟夏 仲夏 季夏

孟秋 仲秋 季秋 孟冬 仲冬 季冬 附土年

變應 土變 土宜 土化 方圖 廣

土形

地圖

土產

西北水

東南水

設法法

救荒附辟飢

旱災

蟲災

雹災

三農紀目錄卷三

穀屬屬

墾荒

耕田

糞田

積糞

占種

種種

種法

耘苗

收穫

小麥

大麥

種種

青稞

蕎麥

蕎麥

御麥

稷

稷

黍

粱

秬

稷

稷

藿藟

大豆

小豆

菜豆

豌豆

蠶豆

杉豆

援山豆

泥豆

蠶豆

蒼豆

梗稻

糯稻

稗

稗

高粱

黍

諸

三農紀目錄卷四

莧法

治蠹

治菜蟲

解菜毒

圃神

芥

白菜

青菜

菠菜

萵苣

萵苣

苦蕒

莧菜

苣荬

茱萸

馬齒莧

蘿菜

同蒿

地膚

灰藿

蘿蔔

葫蘆

薑

大蒜

薤

葱

火葱

韭

生瓜

黃瓜

絲瓜

冬瓜

南瓜

苦瓜

瓠

葫蘆

豇豆

藕豆

時季豆

茄

蕒菜

茴香

山約

芹

薺

族

三農紀目錄卷五 果屬

種實

栽莧

打枝

壓枝

脫枝

接博

過貼

澆樹

茸樹

衛果

治果蠹

孕果



轉樹

制果

辟毒果

息果

摘果

本性

果名

果徵

果害

果異

課果

桃

李

杏

棗

栗

梅

核桃

柿

銀杏

梨

柰

林檎

櫻桃

石榴

橘

柑

橙

楊梅

橄欖

荔枝

龍眼

葡萄

柑瓜

西瓜

蒴藋

慈菇

菱

芡實

蓮藕

三農紀日錄卷六

服屬油屬染色藥屬植屬

棉

苧

葛

大麻

繅

黃麻

苧麻

油菜

蘇麻

亞麻

華麻

蒺藜

楮

桐

楸

蓼藍

枝藍

芥藍

紫草

桑

林

1

材  
草  
屬  
蒲  
類

木與

白桐

補

法

芒草

# 制芥

霍香

白芷

薑黃

牽牛子

地黃

麥冬

天冬

當歸

薊芎

枳

芍藥

枸杞

烏頭

附子

甘芎

三農紀目錄卷八

蓄篇蟲篇

馬

騾

驢

牛

牝牛

羊

豕

雞

鵝

鴨

犬

貓

蠶

山蚕

蜡蟲

蜂窠

魚

鯉

三農紀目錄卷九

擇選

下居

築基

起居

修室

修堂

開門

放水

臥室

造床附睡

廚房

竈附祀

鑿井

淘井

禮碓

倉廩

寒鼠穴

斷蟻

壻垣

作廁 修路 入宅 修方 牛欄 馬枋

羊棧 猪稠 雞栖 納犬 通貓 養蠶

魚蜂 白臘 柵蝨 蓄魚 造車 造舟

結草 造斲 鑄冶 桔槔 墾荒 焚荒

提塘 耕田 蒔種 芸鋤 收穫 留種

營新 積禾 種蔬 植樂 蓄花 植木

衣冠

三農紀目錄卷十 謀生修藏

夫婦 求親 納聘 通娶 歸嫁 冠笄

理髮 整容 保產 安眠 遶生 育嬰

復洗 初刺 坐胎與 斷乳哺 留髮 穿耳

農女經

牧童效

出行

陸行

舟行

理財

券契

納雇

均財

筵會

釀酒

造醬

造醋

醃醢

衛

春

夏

秋

冬

度日

求醫

服藥

戒多

探病

討死

製棺

卜葬

改葬

祭祀

三農紀卷之一

古蜀

張宗法師古甫著

小引

享之毒之曰惟天汜之息之曰惟天三農作則不求  
於天是利其本而自絕其機也易首乾書乃粒詩豳  
風周禮順時觀土春秋必先書月皆相天道以理庶  
物欲當事恪恭於農而使優裕以天爲本以日星作  
端必知禪代之候以達其變必曉晴雨之占以施其  
用

神農受河圖定星曆始有談天之說後世雖損雖益皆祖  
其法天之運也一北而物生一南而物死地之平也影長

而多暑影短而多寒太陰當日之衝也成其薄蝕衆星附  
月之光也因之波瀾刮之以三門張之以八紀其周天三  
百六十五度其去地也九萬二千餘里二十八宿羣生之  
繫命一十二次下土之封圻中衝外衝不召而自致赤道  
黃道殊途而同歸當堯之作不馳之於天而驗之於民物  
天

天者顛也至高無上從一也太初之始鴻濛不可以象漢  
消莫知其終元黃混沌及一氣之羣判生有形於無形是  
以在上而清輕爲積陽之精羣物之輔其道無私居高而  
下不言而萬物生四時行乘象以見休咎渾天易云天大  
地小表裏有水地乘而空載水而浮天運若車轂之運周

環無端天包水水承地地承天故日月星辰所以運行而出入也天無體以宿爲體以南爲陽以北爲陰地以北爲陽以南爲陰天之晝夜以日出爲分人之晝夜以昏明爲晷日未出二刻而明日已入二刻而昏此天之躔也東土無陽西土無古江北無節江南無陰此天之度也

參詳王充方天論云天形穹窿如笠而冒地之表浮元氣之上譬覆盆以抑水面不沒者氣充其中也日繞星辰沒西而還東不入地中也○抱朴子云宣夜亡而郊蒔記先師相傳宣夜說云天子無質仰而望之其遠無極譬諸望黃山皆青窅十似之谷而黥黑夫青冥色黑非體也日月星辰載元氣而浮太虛無所根故不同也○



河圖輔云百世之後地高天下不風不雨不寒不暑民復食土皆知其母不知其父如此千載之後而天可倚杵淘淘隆隆莫知始終○春秋繁露云天有十端天爲一端之爲一端陽爲一端陰爲一端水爲一端火爲一端金爲一端木爲一端土爲一端人爲一端凡十端天亦有喜怒哀之心與人相副以類合之天人一也泰喜氣故生夏樂氣故長秋怒氣故殺冬哀氣故藏四者天人同有之○宮覽云天道圓地道方聖人所以立天下天圓謂精氣周通周復無雜故曰圓地方謂萬物殊形皆有分職不能相爲故曰方君執圓而臣主方方圓不易國乃曰○宋玄經去天以不見爲立地以不形爲立人

以心腹為玄天與西北鬱化精也地與黃泉隱營魄也  
人與思慮倉至精也

占應天清明主歲習以安胡看東南晚看西北色黃而暗  
者主風雨曰主大風黑主陰雨青主風晨赤難暗晚赤  
主晴天中亮者主無雨四邊亮者主雨天底則久雨天  
高則久晴○大開又云天目主國泰民安見於方者方  
慶人得見者福天雨粟則民飢雨毛則民凍

**興故**

說苑云齊桓公問管子曰王者何貴對曰貴天桓公

何視天管子曰天者非若蒼蒼莽莽之天也居人  
上者以自姓為大○春秋元命苞云蒼蒼制字天為  
雨粟鬼乃夜哭龍為君藏○至傳云女叔寬曰周妻  
弘齊高張皆將不免長弘違天高張違人天之所懷  
不可支也衆之所為不可干也○晉書張華為司空  
昨中台星折少子避勸縣位華不從曰天道玄遠惟  
修德亦難耳不如靜以待之以俟天命

日

日者實也懸象著明主陽之精也聚自然之氣而成圓體  
約真一之神而生光明發天之道執天之行光耀中天焰  
耀萬物有違疾發欽南北之行故日北而萬物生日南而  
萬物死仲夏而永於火季冬而窮於次行東陸則春行南  
陸則夏行西陸則秋行北陸則冬日光曰景日景曰躋初  
出曰旭在午曰亭午在末曰暝晚曰昏西落曰反焰在天  
無二行度惟一赫赫流珠之狀皦皦懸鏡之形

**聽天論**云冬至極底天道近南故日去人遠斗去人  
近北天氣至故冰寒也夏至極高天運近北故斗去人  
遠日去人近南天氣至故炎熱也極之高時日所行地

中綫故夜短極之底時日所行地中淺故夜長○古書  
云天之垂象莫大於日月而垣宿之分布五星之運行  
皆佐日月以成天有也日之運也在天成度在曆成日  
積三百六十五日有奇而與天會是爲一歲三百六十  
五日之中隨所指而分二十四氣每氣該十五日二時  
五刻十五日者氣之正也月一時五刻者氣之盈也積  
二十四氣算之是於三百六十日之外盈五日三時矣  
月之行日十三度有奇故二十七日半而與天會又二  
日有奇積二十九日半而始逐及於日是之爲朔三十  
日者朔之正也所不及者朔之虛也積十會算之是於  
三百六十日之內少五日餘矣此閏之所置也○淮南

子三日出於暘谷浴於咸池拂於扶桑晨明登於扶桑  
之日爰始將行是謂朏明至於曲河是謂朝明臨於曾  
泉是謂早食次於桑野是謂晏食琬於衡陽是謂禺中  
對於昆吾是謂正中靡於鳥次是謂小還至於悲谷是  
謂脯食回女紀是謂大還經於隅泉是謂高春頓於連  
石是謂下春爰止其殽和爰息六螭是謂懸車薄於虞泉  
是謂黃昏淪於蒙谷是謂定昏日出崦嵫經細柳入虞  
泉之地照於蒙谷之浦日西乘景在於樹端謂之桑榆  
○周禮地官大司徒以土圭之法測土深正日景以求  
地中日南則景短多暑日北則影長多寒日東則景夕  
多風日西則景朝多陰日至之景則天有五寸謂之地

中天地之所合也○周禮十人之法以觀妖祥變吉  
註云妖祥善惡之徵輝爲日光氣也一曰祲陰陽相禘  
也二曰蒙如赤雀也三曰鑄謂日傍氣四面反響如輝  
狀四曰監雲氣臨日也五曰闇日月食也六曰眚日月  
眚眚無光也七曰彌白虹彌天也八曰敘雲有次序如  
在日上也九曰隳升氣也十曰想輝光也

吉應天氣下降地氣不升晝則日色紫夜則月色白主陰  
雨天氣未降地氣未升晝則日色白夜則月色赤主晴  
早○星書云天地之氣不通則日色青而月色綠此將  
寒而氣未凜冽之象天地之氣交則日色黑而月色青  
將雨不雨而虹蜺見○日出雲氣有五色交錯赤黑相

兼者天之威怒也必有大雷電以雨逢旺相日主生萬物死囚日主殺萬物○日出時有雲帶在日中或橫蔽不見日或隨日光不散日高丈五時有雨日高一二丈有此雲氣日中午時雨澤○日出黑雲如山峯羣鳥如慧星如龍頭如畫如虵如靈芝如牡丹當日申酉時雨紫色雲連穿土下者應當日雨○朝看東方有雲隨日上下不遠應巳午時有雷雨巳午隨日者應申酉時雨申酉時隨日應戌亥時雨○烏雲接日雨即傾滴早間日珥狂風即起暮後日珥明日有雨一珥單日雨珥雙起午前日暈風起此方午後日暈風起須防紫關門處風起不法早日暮赤飛砂走石日後晴紅無雨必風朝

日烘天晴風必揚雲日烘地細雨必多○日黑暈主傷  
穀大水日暈青糴貴主風日暈亦暑雨多雷日暈黃人  
物康泰○日生珥南主晴北主雨雨珥連風雨長而下  
至者為日幢主久旱○春日紅潤夏日炎蒸秋日爆烈  
冬日湯平皆吉徵○日行失度出陽道者旱風出陰道  
者陰雨○易傳云聖王在土則日光五色備

**卷六**

賈誼書云周文王問於鬻子曰敢問君子將人其職  
則于其民何如對曰君子將入其職則於其民也他  
目然如日之出也既出則其職則於其民也曉曉然  
如日之正中也既出則其職則於其民也曉曉然如日  
之已人也故君子將出而旭旭者義先聞也亭午而  
曉曉者民保其福也既去而暗暗者義失其教也交  
王曰當命矣曰列子云孔子晨遊見二小兒爭辨孔  
子問其故一兒曰我以日始出去人遠一中時去人  
遠一見曰我以日初出去人遠一中時去人遠日中  
何以知之一兒曰日始出大如車輪及至日中纔如



盤蓋此不為遠者小近者大乎一見日月初出滄滄  
涼涼及至中如探湯此不為近者熱而遠者涼乎孔  
子不能決口說苑云師曠對晉平公曰少而學如日出  
之光壯而學如日中之光老而學如秉燭之光○  
莊子云孔子圍於陳蔡太公在帶之曰子其意者飾  
智以驚愚愚修身以問汚昭昭如揭日月而行故不免  
也○後漢書云張仲為舉孝廉帝曰何郡小吏答曰  
臣日南吏帝曰日南郡人應向北看日曰臣聞雁門  
不見果雁為門金城郡不見積金為師臣雖居日南  
未嘗向北看日○列子云宋有農夫暴日於野美之  
不識廣綿續之屬謂其妻曰吾負日之暄月歸吾  
獲重賞

月

月者闕也三五而圓三五而缺隨時圓缺也初一為朔初  
三日新月出夷初七八為上弦十五六為望二十二三為  
下弦廿九三十為晦月者信也升降不二盈虧惟一以準  
天則合乎氣數以成運度宣天之行一毫不爽積陰之氣

爲水水之精爲月有形無光受日焰之則有光其廣闊其  
色黑受日光映之則曰日光不焰處則闇月中有物婆娑  
樣者乃山河影也其空處乃是海水之影羣陰之統理曰  
以助其造化者

**太極**

天宮書云天三百六十五度每度九百四十分天勢

南轆北軒日月星辰皆右行天行速曰不及天十三度  
日行中道其半度內其半度外曰行遲日易一度月行  
速日易十三度故曰歲一周天月三十日一周天月終  
曰晦晦者灰也光盡而灰追及日與月會光乃生故曰  
朔朔者死復繇也日月會時火星土星同度則日食矣  
日食必在朔月上下弦若弓之張日望則日月分天之

中以對望望時火星在前度奪日氣月望光不得於  
是月食故月食在望○天官書云月體無光待焰而光  
生半焰爲弦全焰爲望交在望前朔則日食望則月食  
交在望後望則月食後月朔則日食交在朔則日食  
既前後望不其交正在望則月食既朔不食大率  
一百十三日有餘而道始交非交則不侵犯故朔望  
不常有食月大十六日望月小十五日望間以有十四  
十七者月盡日時以月及日光盡體大抵陽近陰遠也  
小盡二十九日大盡三十日月初曰朔與日同度弦若  
日弦也月半之名望前月之半仰故曰上弦在初七  
初八望後日之下半覆故曰下弦在二十二三日月相

近去一遠二謂之弦月滿日月相與爲衡分天之中謂之望○宋沈括以爲黃道與月道如雨環相壘而小差凡日月同在一度相遇則日爲之食日在十月在下掩之也正一度相對則月爲之食謂之間虛地蔽之也雖同一度而月道與黃道不相近目不相侵同度而又近黃道月道之交日月相值乃相凌掩正當交處則食而既不當其交處則隨其相犯淺淡而食凡日食當月道自外而交入於內則食起於西南後於東北自內而交出於外則食起於西北而復於東南日在交東則食其內日在交西則食其外既食則起於西而復於正東凡月食則月首自外入內則起於東南而復於西北自內

出外則食起於東北而復於西南月在交東則食其外  
月在交西則食其內食既則起於正東而復於西○星  
書云閏附日之餘日積分而成於月者也以十一月用  
子朔夜半冬至爲元其時日月五星皆起於牽牛初度  
更無餘分以此爲步占之端每月皆有中氣惟閏月獨  
無中氣斗極指兩辰之間閏前之月爲中氣每晦日閏  
後之月爲中氣在朔日舉中氣則置閏不差故自舉上  
於中置閏之法以氣盈朔虛而歸日月之餘分周天三  
百六十五度四分度之一日之行也日一度自今年冬  
至至明年冬至方一周天實計三百六十五日零三時  
前一歲止有三百六十日更有五日零三時無所歸著

是爲日行之餘分所謂氣盈也月行日十一度十九分  
度之七常以二十九日中弦而與日合於朔是每月又  
有半日弱無所歸著是爲月行之餘分所謂朔虛也積  
日月之餘分每歲常餘十一日弱故十九年而置七閏  
是爲一章之數故曰歸餘於中三閏而無氣七閏而無  
餘分故堯以閏月定四時成歲逢閏月之年桐增葉藕  
益節棕櫚半葉黃楊厄寸鳳尾蚶十三以準其候○日  
月歲十三會每歲八即二十四氣每氣十五日二時四  
刻二十分每時八刻二十分上四刻爲初下四刻爲正  
子辰土四刻屬夜下四刻屬日每刻六十分日未出二  
刻半地上巳明日人二刻半地上終晦故晝多五刻晝

分時日出卯入酉晝五十刻夜五十刻故晝夜同自春  
分始日長六分六抄餘至夏至日出寅入辛晝六十刻  
夜四十刻故晝長自夏至後日消六分六抄消至秋分  
日出卯入酉晝五十刻夜五十刻晝夜同又消至冬至  
日出辰入申晝四十刻夜六十刻故晝短自冬至後日  
長六分六抄長至春分又晝夜同刻餘爲閏三年一閏  
五年再閏天無餘氣氣無餘分

占應月出陽道則旱風出陰道則陰雨○月色青飢月赤  
旱月黑水月黃吉以其宿分占之○月望而月中蟾蜍  
不見者其分大水○新月落北至年荒米貴又云日落  
後壁人食犬食○日傍有兩珥至十日內有大水彗前

又珥歲時康平○月暈七日內有風雨終歲無暈天下  
偃兵月暈重圓大風將至月暈主風看何方有缺風  
從處來○雲如人頭在月傍白主風黑主雨○新月有  
橫雲截王來日雨色紅雷雨青亦主雷雨有圓光大如  
車輪者主來日大風三日後應之有白氣結成圓光不  
甚圓者來日亦主風



晉書云會稽王道之庭中夜坐月色無玷嘆以爲佳

謝重率爾曰意不如微雲點綴道子曰卿居心不淨

乃欲滓穢太清○世紀云堯時有草夾階而生每月

朔日生一莢至月半則生十五莢至十六後日落一

莢至月晦而盡若月小留一莢王者以是占晉惟盛

德之君應和氣而生以爲堯瑞各之莢莫○世說云

徐孺子年九歲嘗月下戲人語之若令月中無物當

極明孺子曰不爾譬人目有瞳子無之何必不暗也

○山圖云女狄慕汲石組山下泉水中得月精如雞

子人愛而含之不覺吞遂有娠十四月而生夏禹



星

星之爲言精也陽之榮精爲日日月分爲星星者因也因天道現發以徵其微列位布散運度綜錯各專政令庶物蠢蠢咸得繫命精存神存麗職宣明在日月之下常明者一百二十有四可名者三百二十爲星共二千五百微星之數計萬一千五百二十二十八宿爲經隨天左旋五星爲緯右旋在地爲右在天爲星其本在地上應於天畫不見其形者陽光掩之也

**宋書**天官書云五星者木爲重華一十三歲一周天火爲熒惑二歲一周天鎮居中土二十八歲一周天金爲太白一歲一周天水爲辰星一歲一周天比參右肩之黃

如奎火星之黑同舍而有四方分天而利中國五星  
色天下偃兵縮則軍旅不復盈則王侯不寧或向或背  
或遲或速金火犯之而其憂歲鎮居之而多福此衆星  
之背署七政之驅馳也五星之見也從深夜見之六見  
之喜是星之喜也見之畏是星之畏也光明徹曜乍明  
乍暗是星之怒也光明迥然不彰不瑩不與衆同是星  
喪也光色圓明不盈不縮怡然瑩然是星之喜也光色  
勃然臨人芒彩滿溢其象凜然是星之怒也 ○星之絕  
跡而去曰飛橫飛而過曰流自上而下曰隕自下而上  
曰奔早出曰羸晚出曰縮趨前曰羸退後曰縮光而明  
滅不定曰動光而有鋒曰芒長而四出曰角長而扁光

曰彗同舍守變爲妖星曰散寸以內光茫相及曰犯居其宿曰守相冒而過曰陵經之曰歷月相陵曰食此論其變也論其常則所宜無不同矣

占應星光閃爍不定主來日風星滅不動主雨言冬月星密主來日熱星墜主大雨春墜穀不登秋墜主大水星白東流向西主來日雨北流向東主連日雨不斷北流向南主來日陰而無雨西流向東主二日內有風西流向北主來日風雨大作南流向東主旱北流向西主水淹禾苗南流向北主霧東流向南主來日大晴又主火西流向南主水旱災傷南流向西秋霜冬雪東流向北主多盜賊久雨天陰晚見一二星者主凶後晴明朝

依舊雨久雨正當黃昏之時卒然雲開見星

晴若夜半後雲開雨止星明主晴



論語識云仲尼曰吾聞堯舜等遊首山觀河潛有

來告帝謀三老曰河圖將來告帝期三七曰河圖將

來告帝圖五老曰河圖將來告帝符龍兩王苞金泥

氏有子長曰閻伯季曰實沈不相能也古傳云高辛

以相征討帝不載遷閻伯於商丘王辰商人是以故

辰為商星遷實沈於大夏主參唐人是因故參為晉

星○左傳今茲宋鄭其位乎歲在星紀漢於玄枵以

有時災陰不暘名也乘龍龍宋鄭之星也鄭必飢玄

虛而耗不飢何為

北斗

斗居北方其星有七天地之樞機陰陽之本元所謂璇璣

玉衡以齊七政者也星書云星相去九千里有為帝車運

於中臨制四方，璽雅太玄云：斗一北，萬物虛斗一南，而萬物盈，萬物豐於纁，夏耗於立冬，隨斗隨徙而已。鶚冠子云：斗運於上，事立於下，斗指一方，四塞俱成，斗者受也，受之能授授之，能受立天之道，維持造化於無窮者，斗之四星爲璇、璇三星爲玉衡，第一星曰樞，二星曰璇，三星曰璣，四星曰權，五星曰玉衡，六星曰闔陽，七星曰樞光，合則爲斗，居陽布陰，乃天之喉舌，斟酌元氣，轉運四時，以成天道之星也。

**天官書**云：北辰本無星，不動處，乃紐星，則尚去不動處一度餘，舊卽指紐星爲北極者，非也。○古之候天者，自安南至浚儀，纔六千里，而北極之差凡十五度，稍北

不已庸矜北極不直在人上也○（雲黃云）北極不於其  
乾而於艮丑（采志）以爲艮東乃萬物成終成始之地乃  
人之方位與天不同（種譚）謂春秋分日出於卯人於酉  
爲人之卯酉非天之卯酉若天之卯酉當北斗極以此  
觀之則北斗實在天之中中國之地微似在東南故視  
爲艮丑

占應北斗色黑主水填星入斗大飢赤色入斗主旱黑雲  
入斗主雨白雲遮斗來日變應申酉風雨白雲單二星  
三四星主來日大雷雨○斗下白雲皓色如水波者主  
來日大風○斗中上下有雪如亂絮者主大風斗中有  
黑雲如魚鱗者主來日風雲變黑雲湧上者主即雨○

斗口有黑氣繫色三日後主雷雨青色應木日赤色應  
火日白色應金日黃色應土日黑色應水日雲氣出霞  
彩亦同驗○斗下有電閃過斗者當夜雨若閃不過者  
應在來日○黃雲貫斗主來日雨赤雲氣不過三日白  
雲氣亦主三日黑雲氣卽日風雨○斗杓三星黑氣搖  
動主雷雨青色主來日大雷日色亦主大雷黃雲貫第  
四星者主大雷雨貫三星主風○白雲自斗中出明日  
午後大雷雨恬靜不搖動又主無雲雨○北斗前四星  
名魁有黑雲掩於斗口者王當夜雨斗後斜三星名杓  
第七星名天罡四星有雲遮蔽主五日內有雨○四望  
無雲惟斗中有黑氣潤者五日內雨如黑底廣厚當雨

有雨斗間有赤雲氣主旱一日赤雲蔽斗明日大熱發  
雲蔽斗不廣密者主風鹿



世紀云神農氏之末少昊氏附寶見大電光繞斗極  
星照如感附寶等二十月生黃帝於壽丘○揚神記  
孔子作春秋於魯哀公十四年春西狩於野而告諸  
孔子曰吾欲夏禮吾欲夏禮吾欲夏禮吾欲夏禮吾欲  
白上而下化爲黃土長三尺上有有文孔子曰吾欲  
之○吳書云吳王問子胥曰子遭楚難何以得出乎  
子胥曰臣自滬襄楚之難在王宮不能出於  
宮內方員圜上就地盡子午即四十二宮圖從青龍  
上發足楚丘並不見過明堂出九天人九地同大陰  
華或而去故進此難吳王曰勝楚勝越子重不勝者  
同子胥曰吾得天置亭之法吳王曰未必彼不能  
知乎子胥曰我先知而我致勝彼先  
知而彼致勝我先知之也知彼其神

天漢

天漢者金之精水之氣轉運於天水氣在天爲雲水象在  
天爲漢天一所生凝毓而成乃元氣之英上浮宛轉起乎



箕尾之間分道至天津下而合西南行至七星南而沒自  
坤抵艮爲地紀自乾攜巽爲天綱從北極分爲兩頭至南  
極從天而轉入地下過日月五星於此往來故謂津漢漢  
者日月界中之光其象委蛇帶天書大極圖門有宛轉形  
法此也

**卷四** 詩書云王者有道河直如繩○漢天官書云漢星多  
則多水少則旱旱則天河明

否應天河中有黑雲生謂之河作堰又謂之黑豕渡河黑  
雲對起一路相接亘天謂之織女作橋雨下必潤謂之  
合羅陣皆至大雨立至少頃必作滿天陣名通界雨若  
是天陰之際或作或止忽有雨作橋必有掛帆雨脚也

雨將斷之兆○黑雲或如爛錦枯木或如露或遮月或  
月上下並應來日雷雨○日雲如綿如小魚鱗而頭南  
足北明日風雨俱落日後驗之如天河有大片雲正手  
風○天河星  
王早是焚或火星守河也天河中星密  
王雨是辰宿水星守河也

**通鑑**

博物志云舊說天河與海通漢武帝使張騫得時大夏

見一女孩織又見一丈夫牽牛渚次飲之鰲曰河曲

此竊俱說來意耶問此是何處答曰君還訪鰲君平

則知之織女取星池牛計其年月日正當到天河

某年月日有客星池牛計其年月日正當到天河

時也織女支機石惟東方朔一人能識其言漢明

帝時有父老將小兒持鰲自述既以二九某鰲之母

臨服其地填河○獲神記鰲端年十七未娶於海中

得大鰲停之○從中得出道還見有飲飯湯火燄之於

節外窺見一少女從鰲中出炊飯入問之妾天漢中

白水素  
女也

風

風者汜也持而動物乃天地之氣噫而成風爲天地之始  
萬物之首也故捷萬物莫過於風風之爲言萌也破萌而  
開甲養物以成功風常動不靜以行天道邵子云天依形  
地閉氣其氣極蹙故能扛得地在氣外有軀壳甚厚所以  
固得此氣也而風豈可須臾有間乎故戒寒而火見應類  
而酒溢習習扇和依依解凍使人寧體順物布氣爲天地  
之使也

**卷詳**

風角云風恭成萬物象八卦陽生於五極於九五九

四十五則變變以風陽合陰以生風皆節目寅時候之

矩冬至四十五日立春艮卦應條風至條者正也風  
本宮來綽綽然和而徐至地暖四十五日春分震卦應  
明庶風至明庶者物光明也風從本宮來非高非底習  
習然得中四十五日立夏巽卦應清明風清明者清芒  
也風從本宮來陶陶然圓緩而不散亂四十五日夏至  
離卦應景風至景者大也陽氣長養風從本宮來蕭蕭  
融和而普四十五日立秋坤卦應涼風至涼者寒也行  
陰氣也風從本宮來清暢而不渝四十五日秋分兌卦  
應闐闐風至闐闐者戒收藏也風從本宮來其候蕭蕭  
然四十五日立冬乾卦應不周風至不周者不交也陰  
陽不合也風從本宮來漭漭淨瑩爽四十五日冬至坎卦

應廣莫風至廣莫者大也風從本宮來淒涼不怒應候  
則泰寧自冲來則不利故條風萬物萌明庶萬物產清  
明物形乾景風聯造實涼風委禾乾閭闔生齊麥不周  
蠶虫匿廣莫萬物伏○竇帝風經云調暢祥和天之喜  
氣也拆傷奔厲天之怒氣也○楊泉物理論云陰陽亂  
氣激發而起者也怒則飛砂揚礫發屋振才喜則不搖  
枝動草順物布氣乃天地之性自然之理也○爾雅云  
南風謂之凱風東風謂之谷風北風謂之涼風西風謂  
之泰風焚輪謂之積風扶搖謂之猋風與火爲佗迴風  
爲飄日出而風爲暴風雨上爲霖陰而風爲晦

雷應風單日起者雙日上一雙日起者雙日止日起者善

夜起者毒日內息者和冬月夜半息者必大凍○西風  
初起飄發以漸而緩南風初起甚緩後必漸急西風早  
起至晚必靜西南急便作雨至晚轉東南必晴不拘四  
時暴風起西力主秋旱霜多○春風多秋雨必多一場  
春風對一場秋雨○凡夜閒大風日出必靜謂之風護  
日○凡風終日至晚必減○東風急雲起更急則雨雨  
後東北風至雨○夏日北風至雨冬日南風至雪○風  
從月建方來萬物得所晴雨得宜如對方來主米貴○  
春夏西北風夏來雨不從秋冬西北風天光晴蒼隆秋  
冬東南風雨下不相逢春夏東南風不必問天公○汎  
頭風不長汎後風雨毒夏風連夜傾平旦日又出雨過

東風臨晚來更添珠○月暈有風缺在何方風起缺方  
大風必揚日沒色紅非雨則風星光閃閃必定風揚海  
砂雲起謂之風潮日暮暴風夜起必大雲風急起愈急  
必雨雲如車形大王風聲雲下四墊如霧如烟名曰風  
花是有風天○二十五六若無雨初四初三莫行船春  
有二十四番花信風梅花風打頭棟花風打尾正月忌  
初八北風必定發二月忌初二三月忌清明五月忌夏  
至但逢落雪起算至百二日期內必難已欲知彭祖忌  
六月十二日前後三四霄必不爽此朝七八三日南必  
有北風還九九當前後三四日內難十月忌初五三四  
之後前冬至風不變臘月廿四開此是風篇篇一又古

人傳

**集**

尚書金縢云周公居東二年爲詩以貽王名之日時  
鵠秋大熱未獲天大雷以風未盡偃大木斯拔  
人大恐王與大夫盡弁以啓金縢之書乃得周公請  
代武王之親王執事以彰周公之德王出郊天乃雨  
人弗及知今天動誠以彰周公之德王出郊天乃雨  
反風木則盡起○史記燕女乃齊之寡婦養姑孝烈  
女利母財而毒其母以告寡婦婦不能自解以寃告  
天時而大風襲於齊段○國語海鳥爰居止於魯國  
東門之外滅父仲使國人祭之柳下惠曰今茲魯烏  
有災乎夫與田烏獸常知避其災也是歲海多大風  
○神仙傳老子將去周出關以升崑崙開令尹喜古  
風逆知有神人來過乃捕道老子見喜命應當待乃  
停轡下以長生法授之○晉書張亮出鎮江州以帝  
舅故內洗朝權王導不能平嘗過西風起輒舉弱自  
蔽曰元規塵汚人

雲

雲之爲言退也觸石而起謂之雲雲者山川之氣陰陽之



聚也感陽而興遇陰而作合乎兩閒結布太虛象乎欬由  
乎需淒然而成淹然而雨杳藹從龍郁郁紛紛崑崙嵒嵒  
陰重則色深黑而風稍淺則色淺黑而雨晴明則白乃雲  
之本相日射之則紅而成霞月射之則炫而爲彩五巴爲  
慶爲景爲卿三色爲霽霽者外赤內青

**卷詳**史記云韓雲如布趙雲如牛楚雲如日宋雲如馬衛  
雲如火周雲如輪秦雲如夫人齊雲如絳衣魏雲如鼠  
越雲如龍蜀雲如囷○淮南子云山雲艸莽水雲魚鱗  
旱雲烟火涔雲水波雨雲水氣無比類其所生以示人  
○易通卦驗云冬至陽雲出箕如樹木之狀立春青雲  
出房如積水春分正陽雲出張如積日鵠穀雨太陽雲

出參如車蓋立夏常陽雲出紫如赤珠夏至少陰雲出如水波莘莘立秋濁陰雲出如赤繒寒露正陰雲出如冠纓霜降太陰雲出上如羊下如蟠石○周禮保章氏以五色雲物辨吉凶之祲象古視日傍雪氣青爲出白爲喪赤爲兵荒黑爲水黃爲豐年觀雲於子時各節正時無雲不吉雲氣如亂穰者大風將至視從來避之○左傳云凡分至啓閉必書雲物遂登觀臺以望而書

占應雨書四方有濯雨雲疾者立雨遲者雨少難至江漢雲疾者即雨○早看東方日初出有黑雲積土之狀主雨晚看西南方日人處有黑雲氣狀如累孟壘壘起者主雨○黃昏時看雲起有無初夜間看新月雲起輕重

○且看北方有黑黃雲大小南行者壬癸日必雨北方  
雲氣如猪向東北行者丙子日雨丙午數故應七日內  
北方有雲鬱鬱蒼蒼者南向西北行乙卯日雨乙酉數  
故應八日丙午未方見雲滯戌己日雨坤申方見雲氣  
庚卒日雨○拂曉看南方黑雲最高謂之雷信應來日  
巳午時中天而止應未申時東方雲頭東方止西南北  
亦然○早看東方雲氣隨太陽上下不遠者應巳午時  
雨巳午隨者應未申申隨者應戌亥○東白無雲日  
出潮明將暮無雲明日天晴清晨海雲風雨時辰風靜  
熱蒸雲與雨淋東雲吹西當下雨臨卯時異雲巳午不  
晴王山雨落辰間卯雲欺日陰雨之天雲隨風雨

兩止雲還雲對高行轉時日鮮日落雲接風雨添添雲  
布滿山雨必綿綿雲起乾上風雨不停西北雲布雷雨  
動聲雲形魚鱗風起堪驚東不慮晚夜愁過西亂雲絞  
頂風雨淒其風送雲過雲去天清日出紅雲當日雨臨  
日沒雲紅難定雨晴○雲走東一場空雲走西被簑衣  
雲走南雨成滔雲走北黑一黑○京房易凡候雨有黑

雲如羣候介如飛鳥者五日必雨



莊子唐成子謂黃帝曰子治天下雲不待族而雨字  
木不待黃而落葉足以諱子道○史記楚有秦雲如  
堯問軫七時中有荷斧之人向軫而踣於楚思史盡  
遺灰而雲滅故曰唐史之策上滅蒼雲雲水氣灰火  
氣盡遺灰故雲滅也○子傳魯哀公五年有雲如衆  
赤烏火日以飛三月楚使問於周太史太史曰其當  
主曰若禁之可移於令尹司馬王曰除心腸之疾而  
災諸股肱何益然不禁孔子曰楚知天道矣不失國

宜矣。○高唐賦敘云：楚襄王與宋玉遊雲夢之臺，高堂之觀，上有雲氣須臾之間，變化無窮。玉曰：此何氣也？玉曰：朝雲也。昔者先王嘗遊高堂，晝寢夢婦人，一王因幸之，去而辭曰：妾在巫山之陽，高唐之側，朝為行云，暮為行雨，朝朝暮暮，陽臺之下。旦朝視之，如言故立祠焉。

霞

霞者假也，假氣而成形。乃日之精，水之氣也。其形不一，有五彩者，有三色者，有如正練者，有鋪鋪者，有如連接不斷者，有寸斷寸絕者，陽氣之靈，嶽降之神也。

占應：每月交節氣，日晨有丹霞之氣，主月內風雨順時。○暮霞如火焰形，而乾紅者，主晴必久旱；朝霞雨後乍有主雨，無疑晴。天隔夜原無霞，朝來忽有，須看其色乾紅。

一 曉間有褐色者至雨滿天謂之霞得過至晴畧有謂  
之霞不過至雨若四方有下雲稍厚雨當立至○霞如  
雲暹來日午時大雨霞如牛卧來日辰中大雨霞如蛇  
形其年須知飢饉

**典故**

神仙傳老子之母玉女嘗晝寢夢五色雲霞光入戶  
結如彈丸飛入玉女口中合之有孕牛老子生八十一  
一年○論衡云河東清阪項曼都好道學仙去三年  
而返家人問其故都口仙人飲我以流霞方飢二金  
數日不飢○漢武內傳上元夫人謂西王母曰阿母  
有六聖之術用之可以遊景雲之宮登流霞之室○

氣

氣者造化之神天地之理也無物不具無物不有其機莫  
測藏之不可得而見發之不可得而據似雲非雲似霞非  
霞浮遊虛空動盪卷舒彷彿若有窅求若無乃陰陽化育

之妙

**卷一**

王冰內經註觀氣每於夜半及清早乘天光澄明時

望之始見初出森森然桑榆之上高五六尺千五百里各有其方之發夫氣之發所應不同則有生氣新氣進氣退氣有去氣來氣游氣浮氣滯氣旺氣衰氣敗氣變氣約氣敵氣弱氣強氣伏氣隱氣疑氣有本氣外氣此其大畧也在人神而明之可矣。景雲山昏蒼巖霽合崖谷若一巖岫之氣也黃白昏埃晚空若堵獨見天垂川澤之氣也加以黃白黑埃承下此山澤之猛風氣也。太虛昏翳其若輕塵川山悉然此熱之氣也大明不彰其色若冉此鬱熱之氣也若行雲暴升嵒然葉積年

烈在縮此巖谷之熱氣也。○高山土濕泉出地中水順  
山隈此雲生岩谷之熱氣也。○巖谷青埃川源蒼翠煙  
塵草木遠望氤氳夜起白朦朧若微霧遐邇一色星月  
皎如此白露之氣也太虛埃昏氣鬱黃黑視不見遠無  
風自行如雲如霧此殺之氣也山谷川澤濁昏如霧氣  
鬱蓬勃慄然戚然咫尺不分此肅殺之氣也。○太虛澄  
淨黑氣浮空天色黯然此高空之寒氣也太虛昏久  
明不翳如霧雨氣遐邇肅然北望色立凝零落此寒  
之化也太虛凝陰白埃昏翳天地一色遠視不分此凝  
結之氣雪之將至也

宮應赤氣覆日如血光王太旱如死蛇在日下者王飢疫



黑氣如龍在日上蟠繞者主風雨青氣如蛇貫日者主  
蝗疫黑者主雨黃主大熟白者主兵刃拂曉看東方五  
色氣如錦過西者當日風雨如雲興霧起至中天而止  
者應三日雨○日沒時看五色雲氣自西過東者亦應

二三日雨○赤氣起城而者主災繞繞人人家者不祥

**雜考**

明紀劉基遊西湖與蔡琛宋濂飲基忽舉頭望而視

吾輩至以基在安遜去後明太祖與南而果臣方信

基言之不謬○唐書李靖既得紅拂女欲往太原族

店中遇異客張仲簡三人飲甚歡各敘張曰太原有

奇氣吾將訪之靖言州將子李世民客與靖約會於

汾陽橋客遂別後見世民甚服其表未見其十二人

其色則談至歡方博奕民年長簡民見着將一子站

於中格簡曰兄居中原吾居何處民曰但有富貴同

與中之簡曰寧傷離自誰作午後相別而去與靖同

李公子真貴人也子富善事之吾去也○

# 虹

虹者攻也純陰攻陽陽氣之動色見赤白爲虹青白爲霓  
色成盛者爲虹雌闇者爲霓雄虹霓分錯陰陽之沴也虹  
霓者日之霞光也日東則見於西日西則見於東未見日  
午而見者陰盛陽則色青陽盛陰則色赤漢圖云斗之亂  
精斗失度則虹霓見雲出天之正氣霓出地之正氣陰陽  
物也陽氣下而陰氣應則爲雲兩陰氣起而陽氣不應則  
爲虹霓日與兩交倏然成質虹爲天使降於邪則爲沴降  
于正則爲祥

**卷之二** 月令云虹孳春清明後十日乃見孟冬小雪後十日  
不見雨久而晚見于東則晴旱久而早而于西則雨○

虹者農人呼之名也又為旱龍見則雨止又俗呼蜺蜺乃虹也海中介魚似蜃蜃而負雄雖遇風濤終不能解以此之義

占應虹食雨雨食虹至雨對日虹出不到晝夜虹下便雨及至晴雨下虹重晴明可期斷虹晚見不明天變斷虹早掛有風不怕東出日頭西出雨南見刀兵北太平○

典故

虹霓冲井謂之飲井其邑有災汲井井水飲者則厲疫窮怪錄後魏明帝時首陽山中有晚虹下飲日源傳人見之良久化為女子其年十五六問之不言乃告浦津戎將取之以問問帝名入宮見其美問之曰我大女也帝欲通幸而色甚難復今左右擁抱聲若鐘若化為鳥虹霓而上天○里難善陵縣有虹飲其金濕翁便竭廟以酒登池之隨投隨潤便土金王蒲架于是豐富○宣志竟阜鎮蜀普與賓客晏西京景風雨餓項面雲忽虹霓自空而下至首于堤及其

食且盡有霞彩五色其  
搜神記曰此人陳濟之  
弟他承色好羅相刻十  
道相感及比鄰人得其  
異苑古有夫婦二人行  
青虹今俗呼美人虹者  
王子喬化為白虹持葉  
之墜其葉而竟化紫光  
于簷人天大雨有虹自  
母問有要否曰適斐人  
諸其門母呼宏二相之  
口此虹龍也後必顯貴

雷

自苦瑤四視良人方去○續  
妻獨在家嘗有一丈夫着  
山澗間至下寂室不覺有人  
所至輒有虹見不問其人○  
義不苛荒年食某而于化爲  
是○列仙傳崔女子學問于  
與之文子爲其長異以文學  
不見○唐書崔某之寶可少林  
可貴于玄寶曰長久後及寬  
河飲水飽足而歸數月有僧

雷者作也天地發揚之氣陰陽動作之聲能興能止可人  
可小以無形而著有形以有聲而施無聲易曰天地解而  
雷雨作草木皆折甲馬于天地爲長子其首掌萬物爲出  
人也仲春之月日夜分雷乃發聲出地一百八十三曰雷

出則萬物出仲秋之月日夜分雷乃收聲入地一百八十  
三口雷入則萬物入人則除雷出則興利雷入則孕育根  
核保藏蟄虫避盛陰之害出則長養華實發揚隱伏宜盛  
陽之德故先王先雷三日齊太鐸以令兆民戒其容止所  
以敬天也

**叅** 霹靂一名霹靂者言天地怒氣也迅疾爲霆陰陽相搏  
感而爲雷激爲霆也○雷天工造化神之名也有神主  
之其雷有五天雷箕星主之地雷房星主之水雷奎星  
主之神雷鬼星主之妖雷婁星主之又云軒轅主雷雨  
豐隆爲雷師

占應雷切發聲格格者雄雷旱氣也依依者乃雌雷水氣

也雷初發聲微和者王季內吉猛烈者凶變○初發聲  
在艮者主糴賤震者歲稔巽坤者虫蝗○王旱兌五金  
價昂五穀災虫人疾疫乾大旱民災坎云水一云年吉  
○雷自夜起連雨三日雷聲猛烈雨大易過若浸然沉  
响卒未得晴卯前雷主雨打頭雷無雨○無雲而雷衝  
疫大起○雪中有雷主陰雨百日

**典**

琴操云楚高句黎子出遊九皋之澤覽漸水之上臺張鳳  
置器於荆山臨曲池而疾風震雲雷電曉冥之鳴翔  
其前白虎吟其後乃操琴作霹靂引○琴子傳坐淵  
字道綸父生時畏雷每至天陰輒馳至墓伏積突有  
白兔常在左右○論衡云子路感雷精而生尚剛好  
勇及死孔子問雷鳴則惻然不安○韓詩外傳東海  
菑丘所以勇遊天下過神淵飲馬馬病所去服持劍  
而人淵三日夜殺二蛟龍出有雷隨擊之十日夜取  
左目○世說云郭璞嘗為王導作卦曰公有震厄導  
曰將何璞曰命駕出西數里當得一樹截如公長至

變處災可消數日中果震其木粉碎而厄免○又云夏侯玄侍郎讀書忽暴兩雷震所倚柱碎其衣焦煤玄面無變色讀書如故○（異苑）孫放于夏月石以而寢有暴雷兩忽震石枕四解放不覺驚寢以者莫不怖畏

電

電乃陰陽暴格分爭激射有火生焉其光爲電猶金石相擊以生火也電爲陽動之光陽激則光不見仲春陽氣漸盛以擊於陰乃見光是以二月始電陰陽激耀與雷同氣雷天氣也從回電地氣也從申陰陽以回地成雷申洩爲電電是雷光但雷有聲電有形電光遠雷近是以形與聲名之也

古應電閃在南主晴在北主雨電閃北辰雨立至若北閃電三日無雨主怪異風雨○西南電閃明日天光西北

電閃雨下落  
東南電閃定主風揚電光亂明不雨天

晴雷閃星光雨落風狂○電不照目主未豐民安

**詩**

宋書劉琨守順昌與金人戰是夕天忽有雷電光四起  
鎗聲百人以往命所竹筒口翕吹以云月號直犯金營  
雷一閃則奮發雷止則匿不動敵衆大驚百人聞吹  
而聚金人不能測終夜自殺○劉琨羅洪先既及  
身既歸三尺土難保百年墳不若依空山歲月免于辱  
也題詩十首而遂去○劉仙傳陶宏景素不開口忽  
多恍惚者由目視也其機在口舌不開口者正養其機  
也象求其脫陶不得已而微開其目只見電光晃耀  
滿室雲霞彩霞  
其目不見

雨

兩者陰陽之氣上薄爲雨水蒸爲雲降而爲雨蓋陰陽之  
和而宜天地之施也陰氣上爲雲陽氣下爲雨陽緩則和



風順雨陽急則雷電暴劇陰緩則色薄而雨陰重則色深而風雲出天氣非陽應之不能有形雨出地氣非陰不能有象是天地生成之機其形圓其跡暈乃造化錯結之象雨者輔也輔時以生養萬物空中散絲草即謂露

**參議**

禮記云天降時雨山川出雲時雨曰霡霂甘霖疾雨

曰驟除雨曰零久雨曰苦暴雨曰劇雪雨雜下曰霰雨晴曰霽雨而驟晴曰晷小雨曰霖霖三日乃爲榆莢雨四五月爲黃梅雨五月終爲送梅雨六月七八雨爲濯枝雨六月內三伏雨農家稱爲甘澤雨又曰臺雨八月爲豆花雨

占應雨書云四方北斗無雲惟天河中有雲三四枚棧棧

如浴家者三日內大雨夜一天河中有黑氣相連者謂  
黑豬渡河乃雨候也○日下黑雲如覆船者雨立至○  
月懸如弓少雨多風月如仰瓦不求自下日出阜雨淋  
脂日出晏晒殺南來雁曰始出有黑雲貫之不出主三  
日內雨○雲起自西南必多雨雲從東南主無雨雲自  
東北起多風雨風愈急雨愈速綿雲自西北起黑如發  
墨者必大風而後雨終易晴○旱年若見遠處雲生自  
西引東自東引西者必主少雨諺云旱年只愁沿江跳  
○雲起下散四野滿目若烟若霧者名風花主大雨○  
秋天雲陰無雨冬天近曉忽有老鯉斑雲起漸合成陰  
必無雨乃護霜天也○風乘虛而墜風多則合速故雨

大而疎風少則合遲故雨細而密○五鼓忽雨日中必晴卒然有雨不久必晴久雨雲黑忽然明亮必主大雨晏雨難晴雨怕黃昏下到天明久雨午後稍止或可望晴若午前少止午後又雨久雨亭午見日謂咎是日必甚○先風後雨順也先雨後風逆也雨止而風雷不止雲霧不散主禾災民病先雷後雨其雨小先雨後雷其雨大○凡雷雨作于巳午陰生之後夜半止者草木沾之繁茂若作于子丑陽生之後至午止者草木災傷○畢星者雨師也月離之則有雨但離于陰則雨離于陽則少雨若王子值滿畢星中已有水氣水氣之發動于卯辰此雨之兆常以戊申日候日出時有冠雲不拘大

小黑至雨大青至雨小○五卯日候西北有雲如羣羊  
者雨立至○東方起青雲甲乙雨霖霖南方起赤雲丙  
丁日雨臨西方起白雲庚辛雨不停壬癸雨汀汀黑雲  
北方迎○五卯日看天河內無黑雲氣則所管日內晴  
明但有雲氣往來所管日內風雨○戊辰巳巳各日六  
龍日早占目下夜占北斗若雲氣蒼潤如魚龍鱗狀或  
行掩斗王當日雨或當夜大雨斗間五色雲氣或變蒼  
色如龜龍形而搖搖者或主日雨當夜雨○六甲日庚  
五卯日同占○東方有雲甲乙寅卯日雨南方有雲丙  
丁巳午日雨西方有雲庚辛申酉日雨北方有雲壬癸  
亥子日雨晨有雲掩日王當日雨○月宿十精春三月

丙丁夏三月戊己秋三月壬癸冬三月甲乙四季之月  
庚辛不問有無雲氣但逢此十精之日必大風雨陰雲  
不定或有陰雨不應者是春三月應于丙丁方夏三月  
應于戊己方秋三月應于壬癸方冬三月應于甲乙方  
四季土旺用事應於庚辛方故此不應而彼應也凡一  
甲管十日雨晴若田日晴明則此一甲內多旱若田日  
陰雨則此一甲內中多陰雨此乃五行之逐面也○壬  
子至丁巳六日每一日各管三日雨晴其日雲氣低濃  
所管三日內有雨若高燥清明三日內皆晴○壬子管  
戊午己未庚申○癸巳管辛酉壬戌癸亥○甲寅管甲  
子乙丑丙寅○乙卯管丁卯戊辰己巳○丙辰管庚午

辛未壬申○丁巳管癸酉甲戌乙亥○丙子至辛巳六  
日每一日各管五日雨晴其日雲氣低濃所管五日內  
有雨若高燥清明五日內多晴○丙子管壬午癸未甲  
申乙酉丙戌○丁巳管丁亥戊子巳丑庚寅辛卯○戌  
寅管壬辰癸巳甲午乙未丙申○巳卯管丁酉戊戌巳  
亥庚子辛丑○庚辰管壬寅癸卯甲辰乙巳丙午○辛  
巳管丁未戊申巳酉庚戌辛亥○若斗光日氣應有雨  
而無雨者是應于各方位故也如甲爲齊乙爲東夷丙  
爲楚丁爲南蠻戊爲韓己爲中州庚爲秦辛爲西戎壬  
爲燕癸爲北狄○子爲齊屬青州丑爲吳屬揚州寅爲  
燕屬幽州卯爲宋屬豫州辰爲鄭屬兗州巳爲楚屬荆

州午爲周屬三閘未爲秦屬雍州申爲晉屬益州酉爲

趙屬冀州戌爲魯屬徐州亥爲衛屬并州

家語云齊有一足鳥飛集殿前舒翅而跳齊侯異而詰孔子曰此鳥名商羊昔兒章有屈一足張翅而南齊而跳且譏曰天將雨商羊舞急治溝渰修堤防果大雨諸國傷害惟齊有備子云神農治天下欲雨則至五日爲行雨句爲雲南句五日爲雨時雨哉物或利故民謂之神雨也孔子大聖也當若小位相魯三月不合而行之不其即止沛若時雨之權哉物莫不與也○後漢書云高鳳好學膠麥夏令守雞以竿授之鳳執竿讀書雨大至不覺執竿如故妻還見麥流甚怒鳳恬然曰吾書云焚麥隱堂山一日忽暴風從西南起英謂人曰鳳即雨火甚熾因舍小西向漱之人疑僞記以日時後有從成都來者訪其妻果是曰人有雲次東起頃刻大雨滅火○神仙傳安已入徵尚書郎大朝得酒不飲何西南翼之詔問其故曰臣本巴成郡大火臣以酒爲雨牧之帝驛問成云爾從北來有酒氣

者署也署生氣以生萬物署肅氣以殺萬物蓋陰陽之  
氣和靈之精也陰氣盛則凝為霜雪陽盛則散為雨露乃  
大地和氣精液所凝陰陽薰蒸氣化之也政治則軒轅之  
氣散為甘露合天乳之練英也

占應曰出露不降散陰雨日沒露不升草陰雨霜臨無露  
將雨不露春夏旱露不升草久雨露盈若穠○晨不見  
露主民困甘露生則國泰民安甘露敷于草木則若明  
珠其色絳光如水晶嚼之則氣芬味清甘美若著樹幹  
其色黃漫漶不圓掇嚼甘如蜜此露歟也

占應曰出露不降散陰雨日沒露不升草陰雨霜臨無露  
將雨不露春夏旱露不升草久雨露盈若穠○晨不見  
露主民困甘露生則國泰民安甘露敷于草木則若明  
珠其色絳光如水晶嚼之則氣芬味清甘美若著樹幹  
其色黃漫漶不圓掇嚼甘如蜜此露歟也



成五彩露其露其光可得否前乃東走至夕而還得  
立黃青露盛琥珀內以度市帝過羣臣得露當若老  
者少病者痊○吳越春秋伍子胥諫吳王不聽而  
主怒胥自歸舉衣出宮大詢其故胥曰宮中生草若  
是露沾吾衣  
是以舉也

霧

霧者誤也地氣上升天氣不應為霧又云月也騰升上溢  
蒙冒萬物蓋陰陽之氣怒為暴風風為重霧陰才冒陽陽  
不應則變蒙霧以作邪氣在天為像在地為霧也

占應霧順氣不順為陰陽錯亂主傷禾有雨可解○大旱  
起霧有毒人不可冒草木著之則斲茂雨後無妨○經  
霧即收晴天可毒霧收不起經雨不止三日霧濛必收  
狂風白虹下降惡霧必散○霧在野無咎見于城市是

卷之四以定吉凶也

志林云黃帝與蚩尤戰于阪鹿之野蚩尤作大霧三日軍人皆惑乃合風后法斗機制指南車以辨方○玄女戰三云黃帝與蚩尤九戰不勝帝降于涿山三日玄女臨其宮有一女人首烏髻布縞首再拜帝最起曰吾玄女也子欲何問曰小子欲萬戰萬勝得戰法曰列女傳順答于治陶三年名與不與宗富三倍其妻諫曰夫子才薄而官大是謂嬰害無功而家富是謂積殃問南山有玄豹霧雨七日不下食者何也欲以隱其衣毛而成文章故藏以遠害今君與此背得無後患乎○神仙傳梁巴為尚書郎正月旦日天大霧對坐不相見忽失巴所在後問其故曰日乘霧還成都與親友會別也○世紀黃帝時天大霧三日帝遊洛水上見大魚以五牲祀之天乃甚雨七日夜魚流得圖今之河圖即此書也世傳大霧三日必其雨自此始○神仙傳淮南王聞有道之士必盡禮以敬之于是入公乃往一人能致風雨立起雲霧○博雅志王南馬均張衡旦冒霧行一人無恙一人病一人死無恙者飲酒病者食死者空腹也

霞者包也陽散爲霞陰包爲霆陰陽相搏天地之沴氣陽  
暎陰翳不得入則轉爲霆東方之氣雷南方之氣電西方  
之氣虹北方之氣雲雨雹霰雪也形如彈丸象若冰塊天  
地邪氣所成山川妖眚所化歟然而作瞬息以升陰陽暴  
戾之氣當名曰暴

古應春壬午豐宜正二月夏傷禾秋早禾損晚禾收冬臣  
民災總以到方不利也

**釋**

傳志太公爲灌園令武王薨一婦當道哭曰吾是

東海神女嫁于西海神童今灌園令當道問我行我  
行有風雨雷電駭君德也王覺召太公問之果有在  
邑外遇之自述與友共遊天忽雨雷因問曰誰  
引管子云陽之專氣爲霰蓋感陰之氣在雨水則霰  
霰爲雪陽氣搏之不相入則消散而下固水爲霰今  
雨雷何也予曰左傳云霰乃冬之愆陽夏之伏陰也  
陽夏爲霰陰也爲行形似半粒其粒皆三故雪六出

爲耕 霜三出爲膏乃  
火氣蒸鬱陰逼成也

# 霜

霜者凝露也從地之升陰盛則降乃造化之刑齊萬物者  
元氣深根固命以待生成萬物得火氣而盛火數二道遠  
而惡非刑以齊之則必越經而失常故天地施霜以收之  
占應微夜清明天必降露寒氣凝爲霜天氣清明又當寒  
沍則霜重雖寒不甚有沍霜輕所有雲氣不清明無霜  
○霜初降一朝者謂孤霜主歲歉連得三四朝以上者  
主歲熟○霜降節日見霜則來年清明日霜止或前或  
後日期同占農人蒔種必待霜止甚驗○霜有芒鋒者  
吉平者凶又云有三角者有災不殺草民愁○霜著才

石等如劍盾民困霜照草木損傷

淮南子言淮南子燕劉所事惠王之伯奇清  
是而有不感自傷無罪乃操琴而鼓也左右譖之王  
怒而欲殺之獄所不能自仰天而哭五月天雨之下霜○  
簡見錄云管有一富翁歲暮而族穀有鄰家孤兒伴  
其前大雪降霜候坐砌石受穀去後有見其坐防詢  
諸人始知孤子也即命錢粟接其家以女妻之人間  
其父翁曰此子嚴霜不懼坐如泰山堂堂厚臨人也  
吾問人多矣如此輩  
不易得也後宋貴富

雪

雪者綏也冰遇寒而凝綏綏然下也陰氣之結同雲之影  
遇溫成雨遇寒成雪雨為和雪為盛乃空虛風結成形也  
盈尺順時益乎萬物為瑞及丈逆令損乎萬物為災雪花  
本六出遇春後則五出陰陽奇偶天地不能違造化之妙

寒盛則成粒珠寒淺則爲花粉故雪寒在上高山多積寒  
花之地四時以飛陽嶺南之處不知有雪總因日月之照臨  
陰陽之向背大道莫據妙理難推楊升庵云宋儒談天不  
知天孔子不言天深知天者也

占應臘前三日大宜麥禾冬至後三戌爲臘立春後不宜  
雪傷禾○冬至中有雪能殺地中蝗子雪一寸蝗入地  
一大雪一尺蝗入地一文至來年無虫災○雨雪雜下  
謂霰非時而降皆冰謂樹介又謂草掛白至歲荒○雪  
落地上濕一層如薄冰謂地甲三年者○雪落地經久  
不化至來年水凡雪日不積謂羞明霽而不消謂等洗  
至再雪又來年多水○雪之神曰滕六爲百穀之精雪

落之日起算至百二日王有兩木



類賦滕父公卒葬有日天大雨雪至中羣臣請池期  
太子許計惠子諫曰昔王季葬過山之尾樂小噴其  
日而後葬今太子宜曰先君欲見羣臣百姓矣乃出為帳三  
雪甚馳驅男而更日此文王義也太子曰善○漢書蘇  
武持節使于匈奴欲武降武不許幽大害絕飲食天  
雨雪武曰啮雪與毡毛并咽之數日不死匈奴以爲  
神人○晏子春秋景公時雪三日公破狐白之裘以爲  
知民御溫而知民寒公曰善乃脫裘發粟以與貧者  
者○孫子云衛君重裘累纒而行見路有負薪而哭  
于問其故曰雪甚衣薄腹飢是以哭之衛君聞之見  
于面自責曰爲君而不知民孰以我爲君于是開府  
金出倉粟以賑貧窮○錄異傳云大雪丈餘洛陽令  
身出案行見民家皆除雪出至袁安門無有行路謂  
安已死令人除雪人曰見安僵卧問何不出安曰大  
雪人皆死誰當出  
雪去  
命  
乘輿而來興盡而返何必見安道○拾遺記云周靈

王起昆明之臺<sub>氣一</sub>天下方上時有二人乘飛遊之輦  
上庸<sub>吸別異</sub>時赤<sub>地裂</sub>一人能以歌召霜雪<sub>是乎</sub>



三才圖會卷之一

古蜀

張宗法師古雨著

小引

天無私覆垂象示人日月大辰之運中見水旱蝗蟲  
之端閏起分至之節內報災虫飢苦之由乃氣數之  
自然令人見而知之以修人事語云治政有理以農  
爲本而農以課古爲先

神農以前尙矣黃帝考定星曆建立五官九黎亂德顓頊  
乃命南正司天北正司地三苗復亂堯命羲和正之唐虞  
百載取物中更始也夏曰歲取歲星行一周也商曰祀取  
酉時一終四時之祭邇也周曰年取禾一熟也陽出布施

于上而主歲功陰伏于下而時出以佐陽陽不得陰之功亦不得獨成歲一歲八節立春春分立夏夏至立秋秋分立冬冬至每節四十五日太陽在四仲歲以三宿太陽在四孟四季歲以二宿共行二十八宿故十二年以周天天以晝夜而運過星從天而西日違天而東日行與天運周在天成度在曆成日月周于天四時備成攝提遷次青辰後辰謂之歲歲首至月首朔也至朔同日爲章七十六年爲部五百一十三年爲會一千五百年爲紀四千五百年爲元每歲二十八宿一周天諸宿半垂天上半隱地下每月昏時有宿在南徐轉至將旦則初一宿在南非其所見宿此所謂昏杳甲旦某時也

正月

立春正月節建寅立者何冬至一陽伏于下而陰覆之未能立也自此而矯春矣盛德在木日月會于析水之次箕二度尾十八度昏時參在、一時名在中其音少角調而此意又觸也物觸地而出戴芒魚也五行爲木五當爲仁五事爲親凡歸爲民律衆太等八坎出震必極乃奏出焉是以閉而爲冬出而爲春二陽卦泰天道在子虛度躔立榜之次○雨水正月中雨水者何前此寒爲雪爲冰今東風解凍陽氣如流無能凝之自雨水後土膏脈動可以植種雨其水于穀也天道在壬危八度後四日八時入危十三度躔娵訾之次

自古日蝕至年飢人災萬

歌

云子正寅逢夏星多卯辰豐稔  
民歌巳午必定人不靜申未二

謀見奔波酉逢紅日光  
夫德戌亥連天米沒未

○立春日清明少雲歲熟若陰

則虫傷禾豆○立春日

立竿一丈于野量日影一尺者

至飢旱二尺者赤地于

里三尺者旱五尺者底田收六

尺者年熟七尺者年小熟八尺者澇九尺及一丈者大

水○元旦日出如血大旱有霞映日大雨大收至六日

亦然○日出有紅霞至絲貴日上有黑雲主旱○元日

晴至人樂年豐三日不見日而陰和無風者至年太美

陰則澇初三日晴明至上下劣初五日晴明人民樂初

六日晴明歲收初七日晴明世道昌初八日晴明高田

熟○上元日晴一春晴宜花果十六日夜晴主旱水鄉

宜是日爲秋收日秋禾成百果實○日暈丙丁日暈  
巳日水土工起大辛日凶壬癸日江河決口春而晴  
無水下秋

月占月蝕主災旱多盜○月色無光人災穀不○初八月  
雲掩月光主春雨多○初八日夜參星在月西主水  
夏中一節主晴在月東或對月口主高田半收在南旱  
在北惡風人疫○上元日夜立丈率候月亭午影七尺  
者主大稔六尺者小稔五尺者旱三尺者大旱九人及  
一丈者主水○月上旬三暈明年大赦初一初二日暈  
所宿處州縣初八九至十六日暈主德合初十日暈主  
旱十二日暈飛虫多死二十三十四日暈五穀不登二十

五日暈主京貴○土旬一暈草木不生二暈禾生虫三  
暈雷震物四暈人民殃歲時災五暈歲有災七八暈路  
多死人

風占立春日風從乾上來暴霜殺物穀卒貴坎土來大寒  
艮上來大熟禾麥震土來穀果熟人民樂巽土來主小  
旱離上來旱傷萬物坤土來謂冲方逆風主春寒六月  
大水民愁土工興兌土來旱傷疾疫○立春日酉風爲  
虛邪民物中之必病在亥無妨天陰無風民安麥蚕收  
東風穀果熟至午無風 早禾至晚無風主晚禾若飛  
砂走石絲貴由不收○正月一日平旦東風麥收米貴  
秋多雨南風爲旱風五月穀貴西風爲白骨風

災發由北風豆收秋多雨水西

風防農傷禾穀

南風米貴宜禾人疫東南風至旱五谷牛收六月多風  
西北風人災畜疫禾傷若遇大風至旱若無風夏禾不  
收黍麥小貴微陰遇東北風大熟卒旦至午無風宜早  
禾至暮無風宜晚禾大風大惡小風小惡風聲悲鳴人  
多病米貴蚕傷西北風有微雨無息不雨民多病死春  
日中多風人多病夏多時北風民多秋死終日北風大  
疫起民有六死○初三日東北風雨水調勻東南風及  
晴旱西北風水○十六日最虐西南風爲入門風低田  
大熟○晦日風雨糴貴禾傷○正月丙東風夏米平月  
丙和疫民安若寒而風糴貴人病片丙日東風蚕旺

南風主旱米貴西風年豐春夏米貴桑貴北風勞東北  
風禾太熟大水東南風主旱麥小熟西北風主水桑  
賤西南風春夏米貴蚕不利西北風爲貴米風但發米  
價增大發大增小發小增發一場增一場月月內防之  
○春三月巳 日風樹頭空

雲古立春日東畔有黃雲如覆車者五谷熟青凶白凶  
黑水紅赤火凶立春觀雲色青中白喪赤凶黑水黃豐  
年○元旦東方黑雲春雨多南方黑雲夏雨多西方黑  
雲秋雨多若赤雲主旱白雲人不靜○元旦天蒼色者  
麥熟黃色萬物收青色虫蝗麥損半雨多易多病一日  
至三日無風雲大熟○初八日雲掩日光春雨



山西方有黃雲三年惡東方有青雲小麥熟南方有赤雲小豆收西方有白雲穡收北方有黑雲大麥熟有黃雲禾半收中天黃雲黍半收不見日者大收有風半收覆占元旦日霞王虫蝗桑少燕巢盛紅色者王絲貴氣占元旦日黃氣其年熟白凶青虫黑水赤旱

虹占是月見王穀貴東見秋米貴西見多霜桑與年日占春日見正東貫張中者春雨夏火秋冰民流

雷占正月雷鳴王疾疫應所發方○元且雷鳴米麥吉所發方民不安七月有霜臨春甲子鳴五穀登

雷占正月見電王人民災傷

雨占立春雨四時勻○元且雨春旱人食一升二日雨人

食二升以漸而增五日雨大熟○元日晴一年豐元日  
雨一年歉○上旬雨穀貴一倍中旬雨穀貴十倍○初  
五日雨田大收蚕難繭初七日風雨多災初八日雨底  
田收○十二日爲花朝晴則百果實後更宜晴若雨至  
四十夜雨十五日無雨至春旱雨早種不宜十六日雨  
歲收○朔日值疾風盛雨主絲貴蚕敗五穀不收又云  
月怕初四雨二月九日晴晦日雨糴貴禾惡○上旬先  
得丙寅日雨夏雨多戊寅日雨秋雨多壬寅日雨冬雨  
多○上旬卯日雨穀貴一倍春甲子雨至水雙日者不  
忌單日忌夏至後有六十大雨○甲申雨五穀暴貴小  
雨小貴大雨大貴若溝渠滿溢急備切防若壬乙酉日

更惡四時同占春雨壬子人無食壬戌州亦傷若甲寅日晴謂之拗得過

霧占元旦霧人疫歲飢壬大水初五傷穀上元壬水

霜占立春霜人多瘡癩○元旦壬盜賊民多瘡疥

霜占立春霜壬旱人民災○元旦禾苗好壬七月旱○正月霜下着物見日不消壬萬物百穀不實牛年多疫死着殺草木謂之陰隆

雪占立春大雪年豐○元旦雪成若未交春則五穀熟果蔬成若交春則不吉○正月雪落地三日內化則年叫人安若至七日不消秋穀不成而西北之隅不與焉占立春立春天氣晴明白物成陰則水湧東有風來

雲積穀賤西風旱大風人難過無風萬民安

歌云陰陽一氣先造化總由天但看立春日甲乙是豐年丙丁遭天旱戊己損傷田庚辛人不甯壬癸水溢川

占朔日初一值立春年和值雨水棉貴穀貴○一日得子  
水澇高田收四月米貴瓜麥收蚕不收得丑牛馬貴麻  
穀拜貴得寅先旱後雨三四月人民病得卯春旱秋雨  
虫蝗生大豆收五六月人民病得辰高田黍麻少收得  
巳人不安四月米貴虫生牛畜殍得午蚕少布貴八月  
雨得未六畜人民病得申穀賤人疫六畜損虫食菜銅  
鐵貴得酉米牛并貴布錢賤得戌少收人民災得亥田  
桑牛收春夏不寧○元旦值申穀賤人疫值乙穀貴人

病值丙旱值于絲綿貴值戊米麥貴一云元旦值戊春  
旱四十五日值巳穀貴奎傷多風雨值庚田熟民病金  
鐵貴值辛米平麥麻貴值壬絹布豆貴米麥平值癸禾  
傷多水民災○且日至食爲麥食至昃爲稷稷至餽爲  
黍至下餽爲菽下餽至日山爲麻欲終曰有日有風有  
雲有雨當其時者深而多實有風雲無日當其時者深  
而多實有日無風雲當其時者稼有敗如食傾小敗五  
斗米傾大敗風復起有雲其稼復起各以其雲色占種  
其日雨雪若寒歲惡○元日自平旦至午無風宜早禾  
午至晚無風宜晚禾一日無風大收若狂風飛揚至蚤  
不收田不熟

三朔占三甲朔歲中三伏大熟三乙朔小麥大豆熟三丙  
朔麻收三丁朔小豆熟三戊朔大豆熟三己朔大麥熟  
三庚朔小麥熟三辛朔田少收三壬朔主旱三癸朔主  
水

得甲占正月一日得甲爲上歲四日得甲爲中歲五日得  
甲爲下歲月內有甲寅主米貴

得辛占一日得辛主小旱麥收十分二日得辛麥蚕並收  
三日四日得辛麥半收蚕全收五日六日得辛主小旱  
蚕麻麥粟半收七日八日主旱絲貴禾麻麥粟半收九  
日十日禾半收

得子占甲子虫蝗桑穀貴丙子主旱戊子收惟有庚子出

狼虎壬子棉芽洽來愁○甲子豐年丙子旱戊子凶  
庚子亂惟逢壬子水滔滔都上旬十日看上旬十日  
若無子大人遭之恐不使

得寅占甲寅穀畜貴兩在春分丙寅油鹽貴在夏雨多戊  
寅秋兩多壬寅穀先貴後賤庚寅穀畜貴冬多雨

得卯占一日得卯十分收二日得卯底田半收三日  
壬大水五日六日半收七日八日水澇

得辰占一日得辰兩多二日得辰風多先旱田半收  
全收三日得辰雨晴勻四日得辰七分收五日得辰大  
稔七日得辰蕎麥收水損田八日得辰先旱後澇九日  
得辰大麥收仲夏大水十日得底旱禾收半十一日五

穀不熟十二日五穀收冬雪

得申占旬中先見甲申五穀收丙申穀損甲食菜戊申六畜損壬申水湧

得酉占一日二日得酉者壬子大豐三日四日者民安五日  
至十日得酉者中歲民不安十一十二日得酉者歲大稔  
三得占月內得三子者葉少蚕多得三卯者果豆收得三  
巳小旱得三午大旱得三亥大水

八日占一日雞夫晴八安二日大天晴大熟三日豕天晴  
吉泰四日羊天晴春暖人和五日馬天晴四無雲氣歲  
和六日牛天晴日月光明大熟七日人天晴上安下利  
八日穀天晴歲稔人樂若遇風雨爲災所節日夜亦晴



明一年安泰

聽聲宜元旦早聽人民聲宮則歲吉商則凶角不利徵主  
旱羽主水其声如雞羣羊者商聲也如牛離宿中者宮  
聲也如雉登不鳴者角声也如負豕覺咳者徵声也如  
鳴馬在野者羽聲也此言呼以聽土地之音非謂他音  
皆然音合乎五聽其首聲協而詳之

占水元旦盛水一瓶至十二日舉每以瓶水稱之一日水  
至正月二日至二月餘同稱水重其月雨多水輕其月  
雨少

占火元旦五鼓時東高長草把十野燒之何燒過看火向  
何方到火所向方其年熟

占影仍八晚立一丈竿于地看月纔有光即量其影隨其  
長短移于水面就橋柱上記之以定水大小

占耕生元且牛俱卧其年禾難立牛卧牛起歲中平俱立  
則五穀稔

占土生牛首黃葉聚熟首青春多瘟疫首赤春旱首黑春

水首白春多風身主上鄉蹄主下鄉



後漢書即額上疏云公羊傳云元年春于正月元年  
者何君之好年也正月者何歲之始王者則天之象

同時之序宜用發德號爵賢命土流寬大之澤垂仁  
厚之恩寶典云正月為端月其二日為元日亦云土

且亦云正朔亦云三朔亦云三元為歲時之元三朔  
者夏以平明為朔殷以雞鳴為朔周以牛夜為朔能

遠議曰履端元日正始之  
集禁耳日之觀口列子云  
于簡子簡子厚賞之客曰

民知君欲放之故競捕將  
獻之王者來矣君欲生之  
不若禁民勿捕捕而放之

恩與過不相補也○漢記云歲平爲位中元日朝賀百官畢會帝合羣臣能說經史者更相難詰義若不通視奪其席以益通者平議重席五十餘席

## 二月

驚蟄二月節建卯盛德在木日月會於大火之次星去房五度昏時弧九星在中且時建六星在中其音正角律中夾鐘鍾者聚也止也陽生于子而于午卯正東也夾陽之中而止焉四陽卦大壯至乎震震者驚也雷始發聲蟄者始驚故曰驚蟄天道在亥室七度躔姬訾之次○春分二月中分者何卯雖夾于陽而春則過半矣天道在乾壁四度後六日十時入奎二度躔降婁之次

日古曰蝕歲歉○春分日晴明主萬物不成○初二日爲

農家上玉日宜晴明○十二日晴百果熟但妨夜雨此日  
雨亦無妨若得夜晴終歲雨日均勻○十五爲歡農日晴  
主年豐又爲花朝晴則百果實○社日晴明六畜大旺  
月占月蝕主粟賤○月無光主人民災

風占二月震卦用事應明忽風至風從乾來歲多寒金鐵  
貴應四十五日民飢多災坎來米貴豆菽不成民多病  
艮來穀不收米倍貴水暴出震來穀熟麥賤人安年豐  
巽來虫蝗生四月暴寒雨離來四月先水後旱坤來多  
水人多癘疾兌來爲逆氣春寒麥貴歲凶○初一日風  
雨主稻惡糴貴人災○初八日東南風主水西北風主  
旱○春分東風年豐麥賤西風麥貴南風主五月先水

後舉北風米貴○二月丑不風民多心腹病西北風發  
米貴

雲占春分日有青雲歲豐又云青虫白蛻赤荒黑水黃豐  
年無雲萬物不實

虹占三月東方虹見者米貴西見者穀貴人民災

雷占驚蟄前後有雷鳴者謂發蟄○初起在乾方民災坎  
方小艮方米賤震方歲稔巽坤方虫蝗離方旱亢方五  
金貴又云驚蟄聞雷米如泥○上旬發雷主春寒中旬  
發雷禾傷未旬發雷虫侵禾○春分前後一日有雷歲稔  
兩占春社日雨穀果少實○朔日雨稻貴○初二日見水  
至旱日開宜晴夜宜雨否則穀耗貴○十五爲歡農日

有風雨主歉晦日雨民多災○春分雨六月人民災○

甲申雨穀暴貴至乙酉日更貴

霜占二月霜主旱宜連霜一夜春霜三日晴

總占初一值驚蟄虫蝗值春分歲歉○社在春分前三歲

登社在春分後歲歉

**典故**

因語云周宜王即位不精于節義文公諫曰古者太史順時觀上陽瘴憤盈上氣震發農神晨于上乃牒

發先時九日太史告稷曰自今至于初吉陽氣俱蒸

上膏其動口史記云社必受雷露風雨以達天地之

氣也社所以視地也地祇萬物大垂象取材于地取

法于天所以尊天而視地也社其象盛所以觀本返

始也漢書陳平為里中祠室分肉俱竹里中父老

如此

三月

清明三月節盛德在木曰月會于青雩之次氏十六方九  
角十二度昏時星七星一申至其則牽牛在申其音土大  
角下宮律中姑洗洗者濯

齊猶有待焉故曰姑洗然物之齊則未也而氣則清矣春  
風贊育至是疏達故曰清明四陽卦畢天道在戌奎十度  
躔降婁之次○穀雨三月中萌非待雨則雨非雨穀也豐  
凶視之穀雨天道在辛庚八度九日一甲入胃四度躔大  
梁之次○此春之節氣也若春氣似夏則人泄歲必旱蟪  
蝗生若炎風拔木似秋則金病歲必大疫五穀不登賊盜  
起若春深多雪則水淫歲若首種不實春者生也夏者大  
也生且不辰又何大焉

日占日蝕主大水出遭旱民飢綿布米貴○清明日喜晴  
惡雨午前晴旱蚕收午後晴蠶收○三田晴主旱夏  
至後六十日雨

占月蝕主絲綿貴米貴人飢○月無光主災

風占清明東北風桑貴米市東南風桑貴中市未市賤西  
南風晴主桑未市貴西北風中市貴○初一日風民病  
木多生虫北風主旱至午米貴○初七日南風主晴歲  
旱北風主雨年豐○十六日西南風起主大旱風愈急  
則急旱北風主年豐○三月風不戾九月霜不降○三  
月戊不風民多寒熱西北風發主米貴

雷占清明雷鳴小麥熟○初一雷鳴主旱初三雷鳴麥收



○月內甲子庚辰辛巳日雷鳴蝗死○月內雷多主稔  
無雷多盜

電占電多月內主歲稔○初三日電主小麥貴

雨占清明寒食二日雨年豐桑賤○初一雨民病疫百虫  
出井泉涸年旱二日雨澤無魚三日雨宜蚕水旱不時  
四日雨主澇泊變溝渠五日雨不妨農六日雨壞墻屋  
七日雨主堤防八日雨乘船行○一日至三日不當雨  
而雨主穀貴九日至十五日當雨而雨兵在外者罷三  
月三日雨主一日主大水下半日主旱連下三晝夜主  
水霖淫○十六日風雨主桑葉貴晦日雨麥難熟○巳  
寅乙卯甲申至癸丑庚寅至癸巳及三辰三未日雨于

米大貴○辰日雨百虫生未日雨百虫死

雲占月內雲溫潤雨下萬物澤

虹占三月虹見魚鹽增價九月米貴○虹見西方青雲覆  
之夏多寒赤雲覆夏旱黃雲覆夏小旱穀半收白雲覆  
多風人疔黑雲覆夏多雨

霜占穀雨前一日霜主旱○上巳日霜月內寒

雪占三月內雪經日不消者秋禾不成米貴三倍塞北之  
地不與焉

總占清明有水而澤者高底田大熟雨水調勻○月內有  
三卯宜豆無三卯則麥不收○月內有暴雨謂桃花水  
主多梅雨○朔日值清明草木茂值穀雨主年豐○三

月三日為上巳曉哇聲上晝叫者上鄉熟下晝叫者下

鄉熟上下叫者上下鄉熟終日叫者大熟聲底者底田

熟聲尚者高田熟○成不濕民多寒月內有暴水



永和九年歲在癸丑會稽山陰之蘭亭

記介子酒推隨言文公出難一才八歲及歸交公誤時

之推不人永之不見欲焚山侍出而不之子推竟不

入山令俱焚死因人不見欲焚山侍出而不之子推竟不

出母子神記焚死因人不見欲焚山侍出而不之子推竟不

見一聖門如府之問終不到日崔少府府也進元少

府少府語充云不府君居索小女齊故楊也進元少

婚年以車遂充乃家母問之俱以狀對既與崔王

四年三月三永戲遙見水傍續車充作開中戶

兒崔女與二果其載精意如初抱見還充又與金銀

義云何

至三日

對日漢章帝時

具亡材人以爲怪乃相携水濱盥洗因水以

泛觴曲水之義起于此也  
 東晉曰虞小生不足以知  
 洛邑因流水以泛酒故逸詩云  
 三日置酒河曲有全人出秦外  
 夏朝諸侯乃因此處立為曲水  
 二漢相緣皆為盛集帝曰善

四月

立夏四月節夏者假也吁荼萬物養之外也夏之為言大  
 也物至此時皆假大而直也連已盛德在火日月會于鶉  
 尾之次軫十七翼十八度昏時翼在中且時發在中其音  
 少徵徵者祉也丑行為火五常為禮五祀為親凡歸為事  
 律中仲呂夫仲呂者何三仙在巳處中仲者中也謂陽當  
 位以中故曰仲呂當陽而位總陽為而先師焉故以立夏  
 六陽卦乾天道在西胃土應地之次○小滿四月中

當此之時萬物雖未盛而茲已令不滿矣天道在西昂九  
後九日八時入庚壁七度躔實沈之次

日占日蝕旱六畜災○立夏日晡主水晴主旱日烈滿天  
無雲其年大旱○初一晴歲豐若晴而煥主旱○朔日  
暈主水主風主熱有重種穀禾之患○十四晴歲稔黃  
昏日月對焰主秋春旱○十六日月對焰主秋春旱○  
夏丙腸腸乾死木秧

月占月蝕大旱人飢○十六日夜立一丈竿于月當午量  
月影過竿水多沒印夏災人飢長九尺主三時雨水七  
八尺主水六尺底田大熟高田半收五尺夏旱四尺蝗  
起三尺人飢○月內暈主風月內無光主大旱

風古立夏日風從乾來爲逆氣疾凶飢夏至有霜麥不熟  
坎來多雨地動魚蝦廣人病疫長來山崩地動人疫損  
穀雷震不時擊物羅貴巽來歲豐人安離來旱禾焦人  
病米賤坤來人不安萬物傷兌來蝗起畜災大凶○立  
夏日東南風年豐民安西風虫起人災北風泉湧人疫  
魚盟廣○朔日風雨麥惡米貴初四日至十四日風主  
大風米貴十四日東南風吉○二十四謂分龍東南風  
謂烏信至大熟○朔晦大風雨蝗大起○月內宜緩風  
雨麥秀風搖稻秀雨○巳不風民多瘧病西北風發米  
貴

日立夏日有雲如車蓋十餘者此陽水之氣必暑○直

方有雷歲熟

氣占立夏有青氣從東南來其年豐若無則歲多災此巽氣不至也大風揚砂日月無光穀賤人病若巳時東南有青雲氣年豐若無多災應在十月

雷占立夏日雷五穀收年無災疫

電占月內電多主秋禾傷民飢夏秋之分夜晴而見遠雷者謂之熱到主晴

雨占立夏宜雨不茂若夜雨損麥傷禾○小滿宜雨前後風雨主蟲蠅不收○初一宜晴爲田家繫要日若逢大風雨主大水小風雨主小水歲惡有重種之患初四雨殺貴殺五日至大日雨麥敗主旱八日晚雨年豐果實倍

兩傷麥上三日雨麥不收○二十日是小分龍晴分懶  
龍王旱雨分健龍王水東南風分黑龍王旱正南風分  
赤龍王大旱西北風分白龍王大水東北風分青龍王  
小水西南風分蓄龍高底田大熱又云比日雨濕龍衣  
壬辰十日晴○夏庚辰辛巳雨壬虫蝗大雨虫多丙寅  
丁卯雨秋穀貴庚寅至癸巳雨麥平壬子雨牛無食甲  
子雨赤地千里壬六十日旱甲申日雨壬穀米暴長至  
乙酉日更妨乙卯雨壬疫起

卷占月內有霜至殺禾苗

虫占月內有虹見主米畏

心占初一值立夏人民不安○初一值小滿人冬火口是



月宜暑不暑民多瘴病○月內有三則宜麻無則來不收○月內寒主旱○立夏日蟬鳴主稻熟收夏前鳴主來年豐

孝子傳何平子事母至孝年六十有孺子之慕夏月負母于清涼所避暑戲玩以令母悅○國語云魯宣公夏濫于泗淵里華斷其罾而棄之曰古者大寒豎土蛰發水虞于是滿罔罾取名魚登川禽而嘗之二廟行諸國人助宣氣也今魚方別不教魚長久行網罾貪無厭也公曰晉過論衡云虎出有時猶龍見有期也陰物以冬見陽物以夏出出應其氣氣動其類參昴冬見心尾夏出參昴虎星心尾龍象星出而物見氣至而類動天地之性也

五月

芒種五月節芒者萌也種乃植也但五土各殊漢水以西淮流以北則已月植江浙湖南江右辰月植嶺南卯月植

惟嵩之上早者月始晚者月終然遲則止矣再遲則失時  
故芒種惟極焉建午盛德在火日月合早鶉火之次張十  
六星六度昏時亢在中至旦尾在申其音正徵律中蕤賓  
午離卦陽至午將衰夏至後一陰生故陽雖用事而陰在  
內反爲主則陽在外猶賓也故曰蕤賓一陰卦姤天道在  
康壁十三度躔實沈之次○夏至五月甲書六十刻夜四  
十刻謂之日長至至者極也時極則反雖陽祭陰何豈用  
是損矣天道在申井初度後八日十時人坤井九度躔鶉  
首之次

日占日蝕主大旱大飢人民災○芒種日晴明年豐是日  
量日影以五尺竿日午中焰量不及四尺二寸者瓜不

成○夏至日暈主水日月無光五穀不登人災千午時  
暈日不及一尺八寸者未不成○初一日晴年豐初五  
日晴主水

月占月蝕主旱畜貴出蝗起防火災○月內無光主五穀  
難登

風占夏至風從乾來寒傷萬物坎來爲逆風寒暑不時夏  
月多寒山水暴出艮來泉湧山崩米價昂震來人民災  
巽來主旱坤來雨水橫流急風急波漫風漫波兌來秋  
多雨霜寒○夏至東風秋病多南風大熱西風秋多雨  
北風山水出○夏至後半月名三時豎白三日爲頭時次  
五日中時後七日本時風在中時前一日來大凶夏至

雨至水口朔日至十日不雨大風大旱風雨米貴牛價  
高人飢若北來人相殘米價昂東來半日吉終日米貴  
西北風起主米貴○晦日風雨來春米貴

雲占雲若砲車急起舟人避之此風候也○夏至乃少陰  
雲如水波吉若無三伏熱是日午時有赤雲年豐無雲  
日月無光五穀不成人災日病○夏至日觀雲色青虫  
白喪赤凶黑水黃風○十六無雲王草茂黑雲王蟹廣  
二十日雲和王歲熟

虹占虹見主小水米麥貴○夏至後四十六日內出西南  
貫坤中者主有小水蝗災魚不滋

雷占世種後不宜雷謂禁雷天○夏至雷鳴王人雨十日

後雷謂送時雷王久晴若逢半月有雷鳴至水勢云梅  
裏一聲雷底田拆舍歸○五月不鳴雷五穀咸半收○  
二十謂大分龍無雨而雷鳴謂震龍門其地少雨○分  
龍日農人以米餘盛灰籍之紙至晚若有雨點跡秋不  
熟穀價高昂人多閉糶

兩占皆應兩宜遲若無雨天旱○夏至無雨年旱若兩年  
豐年久淋○朔日至十日不雨大風大旱初一雨主來  
年三月兩一云人飢食百草一云一日落井泉浮二日  
落井泉枯三日落連大湖○初一晴明金豈初五爲端  
陽宜薄陰微雨至來歲大熟雨至絲貴大風雨至田生  
帶○二十日大分龍占同小分龍也十五六日沉陰至

稻收晦日不雨民多病○上辰上巳日雨主生蝗甲辰  
日雨米穀暴長至乙酉日更防

雹占月內者雹主殺雞犬人民不安

霧占五月起迷霧主大水

總占朔日值芒種六畜災○朔日值夏至米貴牛貴人飢  
來年穀價高○夏至納音屬水主災異屬金大暑毒值  
甲寅丁卯粟貴十日得辰早禾半收十一日得於五穀  
不收夏至在上旬主米賤中旬年豐糴賤下旬歲歉米  
貴夏至若在端午前坐定一節田年若是日暖夜來寒日  
怕江湖也防乾○月內得一卯宜大小豆若無宜早豆  
○五月大種豆不下五月小種秧不宜早又云瓜果吃

不了

**論**

頤頤云吳猛性至孝。時父母遠。而多蚊。猛在其  
而不搖。弱飽其蚊。吮其血。不令其父母。○晉書  
性聰巧。而好蝦蟆。宅有一棚。修治其甚。乃似小蝦蟆之  
月。居其下。蝦蟆論謂。一盛夏之時。當風鼓翼。隆冬之  
月。旬日。然蟪蛄然而大。蟪蛄不為人而敗。夏也。

六月

小暑其月節易云。小往大來。小陰也。大陽也。火炎上而火  
所向高者。先受是故。西北之地。積陰處。春風遲而暑氣早  
迫。六月初。則身極矣。建未盛德在火。日月命于鶉首之次。  
柳十二鬼三井三十一度。昏時心在中。至旦奎在中。其音  
上太徵。下正宮。宮者中也。居中央。暢四方。唱始施生。為四  
聲五行。為土。五常為信。五事為思。凡歸為君。居二陰卦。迎

時天道在坤井十五度躔鶉首之次○大暑六月中是時  
河漢以南衡廬以東其暑方盛故云大也天道在未鬼三  
十度後八日二時入柳四度躔娵訾之次○此夏之節氣  
也若友苦雨其風肅然則金氣洩矣歲多女災五穀不熟  
木旱黃落若夏氣寒雹毀穡則穀果枯有大木方夏天書  
則秋何歟焉

日占日蝕主旱穀貴○初三日晴秋旱初六日晴主收  
乾穀○夏申子晴主秋有六十日旱

月占月蝕主旱六畜貴○月內無光主價昂

風占小暑日東南方白雲兼成塊者至半月風○三伏中  
有西北風主稻粃冬來冰堅○朔日風雨穀貴西南風



虫傷禾秋前猶可再發秋後則無望○晦日風水貴其  
遇東南風虫災西北風米貴

雲占白雲布斗下東方起雲皆主雨○月內浮雲不布十  
月草不喪

雷占月內雷不鳴蝗生人不安雷大震無蝗無疫

兩占小暑兩主水東南風及白雲成塊退水兼主旱無則  
水不能卒退○初三日兩主淋初六日兩多秋水○甲  
乙丙丁無兩民不耕大旱又大雨秋米貴甲申日兩米  
穀暴長至乙酉日更防

虹占月內有虹見主麻責米貴

霧占黑霧相連主水初三霧天熟諺云六月霧落雨到自

露

古朔日值小暑山崩河溢若遇甲日年飢六月有甲子  
 早晚禾歉無則禾豐六月六日蛙鳴主旱雨主水多○  
 朔日值大暑民病年荒小暑後未日爲出徵雨又名黃  
 梅雨○三伏宜熱不熱則穀不結有晴有雨則禾茂若  
 涼風涼雨禾自沒○六月無蠅則百穀登



金匱云針六月癸干西土發民逐禽或諫曰今六月  
 天務養始地長養發民逐禽元元懸于楚君踐一日  
 之苗則民百日不食禾子漢書武帝後必無福紂以妖言  
 誅時暴風雨拔屋折木伏日當早歸懷肉去土問胡  
 向東方朔拔劍割肉也令其自責辨曰受賜不待詔何  
 無也拔劍割肉一何壯也害之不多又何廉也燭  
 遺細君又何仁也上口令自責反自譽也○抱朴子  
 或問不熱之道答曰立夏之日或服立冰九飛雪散  
 及六王六六之灸則不

以重氣蒸于下日周以盛火日  
不稱熱身不流汗益以此方也

七月

立秋七月節秋者揜也物白是收斂也凡物熟爲秋于此  
月無物不實建申盛德在全日月會于實沈之次參十其  
牛度昏時建星在中至旦星在中其音少商商者章也物  
成熟可章度也五行爲金方常爲義五事爲言北歸爲臣  
律中夷則夷者傷也傷有夭則故傷不妄天地始肅不可  
以贏此之謂也天傷非毀天地節而四時成秋以斂之而  
先其氣也三陰卦否天道在丁柳十一度躔鶉火之次口  
虛者七月中在申坤位也中火土土養火火不能固陽得  
處謂處暑天道在午張六度後九日二時入丙張十五度

躡鵲尾之次

日占月蝕至大水人民災年惡帛貴○日無光虫災歲惡  
立秋晴萬物實歲稔秋而賜賜乾穀上倉

月占月蝕人民災六畜貴○月內日月無光令人食不  
口○十六日月上早宜稻月上遲多秋雨

風占立秋日風從乾來暑寒多雨坎來冬有重雪陰寒良  
來逆風穀不熟難貴震來秋多暴雨人民不和草木再  
榮巽來不吉離來多旱坤來五穀熟田禾倍收一日一  
石三日三石兌來秋多雨霜○立秋日東風人疫草木  
盛南風秋旱西風大雨北風冬多雪是日涼風吉熱風  
至來年災苦旱癘○月內早禾怕北風晚禾怕南風西

批風米貴

雲占立秋日西方無雲小兩年吉其日申時西南赤黃雲  
宜穀如無萬物不成牛羊死應在來年正月是月肺時  
西北方有黃雲如羣羊者乃坤氣也宜穀粟若赤黃雲  
不迨其年物不成或有黑雲相雜主麻豆收若無此雲  
氣多霜應來年二月有赤雲來年旱一云西南有赤雲  
主粟若無萬物不成牛羊災應在來春

虹占虹秋前見主穀賤秋後見主穀貴○立秋四十六日  
虹出正西貫于兌中主秋旱若見西方萬物皆貴西方  
青雲覆之冬多寒人病瘧歲澇赤雲覆之冬旱貴雲覆  
之米貴白雲覆之冬多風黑雲覆之冬多雨○朔日見

虹來年米貴

雷占立秋日有雷鳴主晚禾收○初一雷鳴主傷晚禾○月內暴雷謂天收主百物虛踐不實雷不藏鳴民多暴病大吼主多急令

兩占立秋雨吉大雨傷穀菜熟無雨多霜主冬至後風雨寒凍○處暑日宜雨禾收刈日風雨米貴人不安七久有雨麥麻豆賤晦日雨人多災疽布貴○庚寅辛卯雨冬穀貴壬寅癸卯雨主旱穀貴秋甲子雨六十雨甲申暴雨穀熟長至乙酉日更防秋壬子雨魚無食辛卯雨主疫

霧占初三日霧起年豐

霜古七月霜早禾豆不收遲者半收

雪占秋雨雪民大飢人多死亡西北之地猶可少減

總占朔日值立秋人多病逢酉日多晴老人不安六畜從

應在來春○朔日值處暑人民苦病八日得滿斗至秋

成○月內有三卯禾熟無則早種麥○七月秋至熟八

月秋至涼朝立秋涼暮立秋至熟

**典故**

世說云張翰為齊王商東曹掾在洛見秋風起因思

吳中葦菜羹鱸魚鮓嘆曰人生貴適意耳何能從宦

于里以要名乎遂歸後齊王敗人皆謂見機○晉書

七月七日曝衣諸阮善居室內足于財惟籍一書每

酒而貧諸阮庭中欄然籍兄子咸方總角乃警長筆

標長布襤褸連粗白紫謝尚時熱中者秋夜乘月之江

會宏在舫中賦詠遣問即其詠吏之作尚道舟中談

申旦不寢自此名譽日盛

八月

白氣八月節陽收則陰凝因而名之建酉盛德在金日月  
會于大梁之次畢十七昴十一胃十五獲時素生在中  
至日鶩在中其音正商律中南呂西正西也爲兌氣至南  
則生至西則殺南曰凱風西曰金風因與南不倫矣兌者  
萬物之所悅也物陽之氣助而儲之若不收則來年不生  
矣此爲陽之益友也四陰卦觀天道在丙翼三度躔鵠星  
之次○秋分八月中晝夜同然彼陽長此陰長其氣蕭瑟  
自是日盛天道在巳翼十八度後十一日七時人罪軫十  
度躔壽星之次

日占日蝕人民病瘡○白露日時五收乾稻是日若屬火



多晴菜難茂○朔日晴至連冬晴宜黃  
高田收底田水

月占月蝕年飢鹽貴魚少○中秋無月王耆不實神無珠  
來春燈明雨○月夜光王地多魂

風占秋分日風從乾來盜賊起來年多陰雨坎來歲多寒  
高底田俱收良來二麥宜十二月多陰寒震來逆風白  
花虛人疫穀貴應在四十五日內巽來十一月多暑風  
離來人災歲惡坤來土工起民憂兌來五穀太熟是日  
東風萬物不實穀貴南風年凶北風民安年豐四風酷  
寒○朔日有風穀倍收西風穀無批穀若大風傷禾人  
災西北風米貴

三農紀

卷之一

五十九

雲苦秋分酉時有白雲如羣羊是分氣至也壬午稔若有黑雲相雜宜豆麥無則麥豆不收赤雲主旱麥枯死惟黃雲吉

雷占八月不宜鳴雷鳴則賊盜起八月雷不歸三月雷不作

雨占白露謂之苦雨傷萬物蔬果生虫穀沾之則白麩菜沾之則味苦白露前宜雨後不宜雨若逢雙日無忌單日損禾蔬○秋社雨主來年豐○初一畧得雨宜麥若遇大風雨傷禾惟麥吉主絲麻棉貴每月初一宜晴惟此月喜雨利種麥一口至三日陰雨油麻少麥豐○中秋雨主澇來歲底田熟又主豆麥布疋芝蔴貴秋雨

巳日遲禾收○月內雨多牛貴麥價昂秋甲子雨秋有  
六土日雨甲申雨急穀暴長至乙酉日更防

虹占虹見秋中來年米賤○秋分四十六日虹見西北貴  
乾中秋多雨虎出賊多

霜占秋分後降霜人多病

雪占秋中雨雪人災主有妖賊西北之地恐不與焉

總占朔日值白露穀果不實○朔日值秋分物價賈秋分  
與社若同一日底田難收分在社前斗米斗錢分在社  
後斗米斗豆是日赤霞來年旱果木花開來年旱○月  
內有三庚三卯麥吉稻收有二卯植麥宜高田無則不  
宜麥無壬子晚禾缺收○月大盡壬子水災二十四日或

風或雨至紫荒米貴○十一日占來年水旱或隔夜或  
浸晨于水邊無風波處作一水則子至臨晚看之若沒

至水露至早平至小水

**典故**

雅歌詞蘇東坡作水調歌頭都下傳唱此曲曲神宗問  
外面新行小曲丙付錄此曲呈進讀至又項獲樓玉  
字高處不甚寒土日蘇軾終是愛君乃命景移汝州  
○太平廣記趙知微有道術中秋積陰不解却微謂  
人曰能升天極樂玩月否少頃曳杖而出既闕荆扉  
結月如書捫蘿以藤及峯之巔舉酒方歸而風雨宛  
然○續齊諧記弘農鄒紹八月朔人華山見一童子  
以五色絲囊盛柏葉下露云赤松先生取以明日今  
八月朔作服  
晴囊象此也

九月

寒露九月節當此之時秋風漸急所降之露莫不涼寒建  
戌盛德在金日 算下降婁之次婁十二奎十六度昏時

虛在中至旦昂在中其音上大商下宮律中無射則者厭也陽歛之惟恐不深無不厭焉不厭則不寒矣五陰卦剝大道在巽軫十四度躔壽星之次○霜降九月中時遇此而霜不降則金衰矣天道辰角十一度後十二日十二時入乙氏二度躔大火之次○此秋氣也若秋時寒熱無節歲有火災民多瘧疾百陰氣大強則也敗穀戎凶乃來若霜不殺草來年五穀不登秋氣不固則冬何畜焉

日占日蝕民飢疫布帛貴鹽價昂女工高○朔日晴萬物不成○九日晴壬冬至元旦土元亦晴○十三日晴一冬多日

月占月蝕年平貴○二月內月無光虫起布帛貴

三農紀

卷之一

六上

風占朔日風雨來年旨于夏中水麻貴風自東半日米麥貴

○初九日東北風主來年豐西北風來年歉○月內上

卯日東風北風三七月米貴

虹占虹見西方大小豆貴○朔日見麻貴油貴

雷占九月雷鳴主穀大貴

電占寒露前後有雷電主來年水

雨占朔日小雨年吉大雨傷禾風雨來年春旱夏水米貴

○九日爲歸路南大宜禾主來年熟大雨主柴薪貴○

庚寅辛卯雨冬穀貴甲申日暴雨穀暴長至乙酉日更

防

電占九月電不宜牛馬

總占朔日值寒露至冬寒凝來年歲稔寒暖不時○朔日

值霜降多雨來年歲飢

**典故**

晉書陶淵明于九月九日無酒宅邊東籬下菊叢中

梅氣盈把生其側未幾望見白衣人至乃王弘送酒  
卽使就酌○蘇軾東坡詩九月望見有美堂酒少  
鄉飲以計戲之曰指點雲間數點紅望歌正歸紫影  
翁誰知愛酒龍山客都在漁川一葉中○補齊諧記  
汝南桓景隨費長房遊學累年長房謂曰九月九日  
汝家當有災厄急宜去令家人各作絳囊盛茱萸以  
繫臂皆登高飲菊花酒此禍可免景如其言還家見雞  
犬牛羊暴死長房曰代之矣其免禍也

十月

立冬十月節冬者終也物至此皆告終也建亥盛德在水  
日月會于姬訾之次壁八室十七度昏時危在申至且星  
在申其音少羽羽者宇也物聚藏宇覆之也五行爲水五

常爲智五事爲德凡歸爲物律中應鍾夫曰應中何也陽  
入亥止亥無所爲祇應而已止應閉塞而成冬六陰卦坤  
天道在乙氏四度躔大火之次○小雪十月中小者陰也  
時高山深谷背山之壤有雪西北苦寒處雪盈數尺江以  
南無之天道在卯房三度後十一日五時入甲尾三度躔  
梯大之次

日占日蝕三冬旱太貴魚鹽貴來春米貴○立冬晴主  
暖人民吉若屬火主無雨霜一冬暖屬水主來年春雨  
多○朔日晴一冬暖十五六晴亦主冬溫冬兩陽陽無  
雪無霜○立冬日立一丈竿占日影得一尺大疫大旱  
大暑大飢得二尺主地千里得三尺大旱四尺底田收



得六尺高底田熟七尺高田收八尺勞九尺大水一丈大水人戒

月占月蝕主穀貴魚鹽貴○月內月無光主六畜貴

風占立冬風從乾來天下大安年豐坎來多霜殺楚獸人殃艮來地氣洩人病震來人不安深雪酷寒災來冬溫來年夏旱離來五月大疫坤來水泛溢魚鹽倍價兌來米貴妖言爲災○立冬日西北風主來年大熟東南風爲閑倉風主來年夏米貴○朔日風雨來年夏旱麻貴芝蔴不收十五爲五風日此日有風雨謂五信風冬日南風三日主雪○申不寒風民多暴死西北風米貴

雲占立冬日西北方有白氣如雲龍走馬者宜麻如不至

大雪傷物人疫應來年夏月東方有黃雲如覆車來五穀不熟青致凶白致盜黑主水赤主火

虹占月內虹見麻貴又來年夏米貴若出西方稻貴一出  
一倍再出再倍民流千里○立冬四十六日虹出正北  
貫坎中冬少雨雪春多水○冬三月虹出西方青雲覆  
之春雨調和白雪春多狂風黑雲春多雨水○小雪虹  
見乃天地氣不相上下歲歉

雷占立冬雷鳴凶三人災傷穀○朔日雷鳴所到之處人  
民殃夜尤甚○庚戌辛亥日若雷鳴主來年穀歉米貴  
雨占朔日雨年內早多陰寒大雨米大貴小雨米小貴初  
二雨芝蕨貴十六雨主寒晦日不宜雨雨則米貴甲子

雨主凍壬寅癸卯雨人疫來春粟貴用申雨穀暴貴乙卯日更防

霧占霧爲沫露主來年水相去二百單五日有水至須看霧着水面輕離水面重起于十月壬水起于十一月壬旱○癸巳日霧亦爲凶青爲殃

霜占立冬前霜早禾宜冬後晚禾宜冬三月少霜則虫不蟄麥惡來年虫傷禾人民災萬物不成

雪占雪盈尺來年大豐積雪年美人和無雪來年歉人災虫生百穀少成○小雪日見雪場米折半節

總占朔日值立冬主災異若屬木水來年多風雨○朔日值小雪若東風來春米賤西風來春米貴是日斗量一

斗若綴在斗外來春米價陡增○月內有三卯糴平無則穀貴○十月中不寒冬多暴病一云冬不凍為飢為凶有災疫地不凍其鄉否果木花開來年旱自越滇蜀之處不爾焉何也其氣溫濕故不驗

典故

說苑云趙簡子乘蔽車糶馬服殺裘其友曰新車則安肥馬則往來疾衣狐貉約裘溫日輕簡子曰吾聞君子服善則益恭小人服善則益淫今我自備慈有小人之心也○孝子傳王祥母早喪後母憎而譖之祥孝益謹盛寒河水堅冰解扣外求之冰忽小開有雙魚至而遊祥垂綸釣之先時人以爲孝所致○魏瓘董遇好與人從學遇日當以三餘三冬月歲之餘餘夜與陰雨日之餘

十一月

大雪十一月節是時天下皆降雪雪降為之瑞惟嶺南自

古經雲謂天地休咎不與焉建子盛德在水日月會于玄  
枵之次危十二虛九度昏時東壁在中至旦軫在中其音  
正羽律中黃鍾蕤賓者也子者孳也萬物麗于土生于子  
其藏行固當一陽卦復天道在甲尾七度躔析木之次○  
冬至十一月中晝四十刻夜六十刻謂日短至自茲日始  
一陽復生天道在寅箕五度後人日人艮斗四度躔星紀  
之次

日占日蝕人災中疫糴貴魚鹽價昂○冬至日晴萬物不  
成來年多水是日立八尺表視其晷如度其歲美人和  
否則歲惡人惑咎進則水咎退則旱若咎進一尺則日  
食咎退一尺則月食

月占月蝕主米貴○月內月無光主魚鹽大貴

風占冬至風從乾來年旱以來歲稔長來春多陰雨震來  
雷不止大雨連行乳母多死異來百中傷物離爲虛邪  
風冬溫乳母多死水旱不時人疫穀貴夜至無害坤來  
與傷禾多水民不安兌來秋多雨一云禾熟是日風寒  
音○初一風雨宜麥北風主歲和南風穀貴西風年利  
禾熟若東南風及起重霧者主水人飢西北風主久陰  
○晦日風而主來春雨少月內西北風主米貴○冬至  
後于酉日風從巳方來主大赦東南風爲歲露若飢虛  
八中之必患疫切宜防避

雲占冬至日觀雲色于子時至平旦若青雲北起歲稔赤

雲主旱黑雲主水白雲主火黃雲大熱無雲不吉有雲  
送迎從鄉來歲美人和無雲送迎歲惡

占冬至日雷鳴來春米貴

雨占月內雨多來春米價昂○甲申乙酉兩主雜貴壬寅  
癸卯日雨來春穀大貴

虹占冬至日見虹魚鹽貴若見火色者吉虹出東北方貴  
戊申主來春多旱夏多火災粟貴

氣占月內有赤氣主旱黑水白疾青虫黃吉  
霧占霧主來年夏旱若有重霧主水飢之患

雪占月內雪多主來年春穀賤雪少來年旱無雪不利滇  
越之地不占○朔日大雪民災月內雪多冬春米價平

總占朔日值大雪或冬至并主災咎○冬至朔日爲合辰  
得壬一日壬旱二日小旱三日大旱四日五穀大熟五  
日小水六日大水七日河決八日海汜九日大熟十日  
少收十一二日五穀不成○冬行夏令主大旱冬日嚴  
寒至來歲和冬前米價增必來春價縮冬前米價落至  
來春米價高○冬至日數至元旦日落五十日食足若  
不滿五十日一日減一升若有餘日一日益一升至前  
米價長至後米價減落又及主貴

**與按**

史記黃帝得寶鼎宛朐問于史區對曰帝得寶鼎神  
笑是歲巳酉朔日冬至得之紀終而復始于是黃帝  
起日而推笑口南史宋百年家貧母以冬月亡衣井  
無絮自此不衣綿帛時與孔思遠詣以裘具覆之百  
年初不知及貴日綿定奇溫同此第其是履口雜錄  
史中以女工擇日之長短冬至後比前日增一線之



以又易七日宋傳疏陽氣如于刺盡之後至來復時  
凡經之日皆諸氏並云五月一陰生凡七月而  
言七日一見陽長須速  
故更口而言月也

十二月

小寒十二月節當此之時西北寒甚力溺成冰戎者墮指  
雖曰秋時北方有雪然猶煖若茲日出不溫此幽風所謂  
氣寒也建丑盛德在水日月會于星紀之次女牛七度  
昏時娑在甲至旦氏在中其音上太羽下宮律中大呂丑  
者土也萬物生于子爲大而丑闢其氣以廣生其大乃同  
故曰大呂一陽卦臨天道在丑牛十一度躔星紀之次○  
大寒十二月甲子于此之時天下皆寒愈寒則萬物爽暢若  
寒不大則來春之物不暢條矣天道在癸牛四度後五日

二時人女一度躔立榜之次○此冬之節氣也若冬有雷其氣不寒則陽氣閉不密來歲苦飢胎夭多傷若冬多暴日則金洩來歲旱至火災歲之弗固安能發焉

日占日蝕下鄉多小災夏麥難收穀貴牛災

月占月蝕主水災○月內月無光主穀貴若九月至十二月月無光主穀大貴

風占小寒大寒日風雨損畜○朔日風來春旱月內冷風暴作六七月損水米貴東風半日六畜災西風半日不止至早六畜疫○除夜東北風主年稔東南風主大水西北風主來貴

雷占月內雷鳴主來年口于水不勻○雷雷山鳴主陰雨百日

而占月月冷雨暴作主來年七八月損水○朔日風雨來  
年春旱夏多雨米價長○上西日雨主冬春連陰甲申  
日暴雨穀暴長至西日更防

虹占月內虹見穀貴當藏不藏陽氣洩也

霧占月內有霧主來年旱傷穀酉日更驗更防○重霧二  
十日羣雀起

雪占雪落上旬主來年水盛○若逢上西日雪主來歲水  
旱不勻

總占朔日值小寒主歲和年吉值大寒山虎傷人○月內  
寒不降主來年夏冬雷電○冬至後三戌爲臘有三番  
雪謂之臘前三白主麥收虫死○若冰後冰長主來年

水若水後水退至來年旱若水堅可渡亦主水柳眼青  
來年夏秋糴賤月內萌類不見主五穀不實○立春在  
殘年至冬暖立春日煖凍殺百鳥卯兩春夾一冬月煖  
主畜多死○二十四夜農人立等東草于上燎火于野  
各照田○看其火色可否占來年水旱自主水紅主旱  
猛烈年豐衰弱年歉東北風吉西南風咎及焚紙爆竹  
看火色大率同占○除日農家作粉窩十二枚閏月加  
二枚○無熟曉之一枚至一月以次候言如有水其月

水多則多雨乾則少雨○除夜諦聽其聲以占吉凶  
不吠新年無疫若犬鳴新年火盜或因公杜作鬧  
鄉里主來年有橫事安靜無吉順福為凶

**典故**

晉書劉長盛時九歲母王氏病人不寐于盛父思食其輩長盛于澤中勸笑而不絕而乞其輩忽聞人云此處有長盛長盛收泪視地果有輩生焉因得解佩而歸母食病痊晉書范喬字伯孫颍川人盜砍其樹有告者喬佯不聞却人愧而還柴焉喬遂不取人督而問其故喬曰今缺父之衣天寒風凍不遇敗之與父母相攻一家愛來耳口列女傳魯之女也魯九子之寡母也前自休家召者子謂曰婦人之義非有大義不出夫家然吾父母家幼幼一時視不理吾從汝謂往監之捕房戶之守吾父而反丁是天陰還失早至問外正待交而人曾長大其輩十見而怪之使人問其故對曰妾歸視私家諸奴孺子期久而反妾而飲醉飽人謂公有也妾反早敢止問外盡期而人曾公聞賜為魯師

山川鳥獸草木人事占

有求諸遠不若求諸近有考諸難無如考諸易易曰天乘象見吉凶史以天占人聖人以人占天蓋雲雨者乃陰陽之和而宜天地之施者無物不有應也

山川占遠山清明主晴昏暗主雨小山不出雲忽然雲起  
主非常雨土面濕并出水珠如汗者主暴雨四野氣蒸  
大雨得西北風散無雨夏月水底生苔作醴色暴雨或  
鯉或香大雨驟主

鳥獸占鵲浴主風鵲浴主雨鳩鳴有還聲謂呼婦主晴無  
還聲謂逐婦主雨鵲巢尚具年少風雨疾主風雨鵲仰  
鳴主晴俯鳴主雨夏秋雨將至鷺過謂截雨雉宿早主  
晴上宿遲陰雨雞母召鷄陰雨雞曳翅向日風雨海燕  
成羣風雨淋淋道遙叫一聲風二聲雨三四多風雨白  
肚作風黑肚作雨犬食草晴猫食草雨獺窟近水旱窟  
登岸水野鼠爬藤天水到民處牛食草望大雨馬奔蹏

雨狗向河內吃水水退豕爭窩雨魚躍離水謂稱水躍  
高許水漲許蛇盤蘆上水漲若千底頭立至撞頭稍近  
豕進涉天將雨海猪亂躍風不可已蝦籠得蝦風雨蟻  
鑽封穴玉水燕巢無草秋少雨蛇過路玉雨

草木占草屋菌生朝出晴暮出雨菱草口嘗味甘雨餽氣  
旱桐花初生赤色旱白色水藕花夏前開水藕豆花風  
仙花五月開水枸杞薔薇花開夏前麥花盡開皆水燈  
吹花不滅晴即滅雨釜底墨然白晴黑玉雨炭火見風  
熄雨盛羹蓋底濕玉雨水浸鐸濕玉雨鐘盤熱手玉雨  
醃菜鐸蓋水响者雨茶梗堅玉雨夜茶瓶潤人飲不足  
陰雨炊烟不出屋雨鍾鼓聲暗雨柱礎潤雨闔越礎潤

晴亦氣連之各別糞臭泥氣臭主雨

人占老年筋骨忽疼人煩悶難了者主雨汗流人曰手足

忽痒起水泡者主雨小兒口吹水泡主雨

**果**

尚書傳云成王用蓍氏來朝曰久矣天之無烈風  
樹雨且意華有聖人乎○說苑曰能大布雲雨能大  
勢去而解石而出膚寸而合不累朝而雨○魏志管  
格遊清河時大旱倪人守門下格曰今樹上少女  
微動林間又有陰鳥和  
鳴應雨即至果如其言